



弇山堂別集卷六十七

吳郡王世貞元美著

親王祿賜攷

會典載親王郡王王子王孫及公主郡主等每歲支撥

親王唐制歲該穀四千八百石絹四千八百疋綿四百五十斤宋制領節度使歲該穀二千四百石錢四千八百貫絹二百疋綾一百疋羅十疋綿五百兩今定米一萬石郡王唐制歲該米七百石田六十頃宋制領觀察使歲該粟一千二百石錢二千四百貫絹

二十疋綿五十兩今定米二千石鎮國將軍唐制歲該米六百石田五十頃宋制郡王子以下量材授官照其官品高下給祿今定米一千石輔國將軍唐制歲該米五百石田四十頃今定米八百石奉國將軍唐制歲該米四百石田二十五頃今定米六百石鎮國中尉唐制歲該米三百石田十四頃今定米四百石輔國中尉唐制歲該米二百石田八頃今定米三百石奉國中尉唐制歲該米一百石今定米二百石公主及駙馬食祿米二千石郡主及儀賓食祿米八百石縣主及儀賓食祿米六百石郡君及儀賓食祿

米四百石縣君及儀賓食祿米三百石鄉君及儀賓食祿米二百石皇太子次嫡子并庶子既封郡王之後必俟出閣每歲撥賜與親王子已封郡王者同女俟及嫁每歲撥賜與親王女已嫁者同郡王嫡長子襲封郡王者其歲賜比初封郡王減半支給

### 各府祿米

秦府秦王歲支祿米一萬石米鈔中半兼支郡王初封歲支祿米二千石本色五百石折色一子五百石襲封一千石米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿



米六百石鎮國中尉歲支祿米四百石俱米鈔中半兼支

晉府晉王歲支祿米一萬石郡王初封歲支祿米二千石襲封一千石米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

周府周王歲支本色祿米二萬石襲封歲支本色祿米一萬二千石郡王初封歲支祿米二千石襲封一千石俱米鈔中半兼支鎮國將軍歲支祿米一千石

輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

楚府楚王歲支本色祿米一萬石郡王初封歲支祿米二千石襲封一千石俱米鈔中半兼支鎮國將軍

歲支祿米一千石輔國將軍歲支祿米八百石奉國

將軍歲支祿米六百石鎮國中尉歲支祿米四百石

輔國中尉歲支祿米三百石俱米鈔中半兼支郡王

初封歲支祿米一萬石米鈔中半兼支郡王初封歲

支祿米二千石襲封一千石俱米鈔中半兼支鎮國

將軍歲支祿米一千石輔國將軍歲支祿米八百石



奉國將軍歲支祿米六百石俱米鈔中半兼支

蜀府蜀王歲支祿米一萬石郡王初封歲支祿米二千石襲封一千石俱米鈔中半兼支鎮國將軍歲支祿米八百石奉國將軍歲支祿米六百石俱米鈔中半兼支

代府代王歲支祿米六千石米鈔俱中半兼支郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石俱米鈔中半兼支

肅府肅王歲支祿米一千石本色七百石折色三百石郡王初封歲支祿米一千石米鈔中半兼支襲封同遼府遼王歲支本色祿米二千石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石輔國中尉歲支祿米三百石奉國中尉歲支祿米二百石俱米鈔中半兼支

慶府慶王歲支祿米一萬石本色七千五百石折色二千五百石

正德五年革郡王初封歲支祿米一千

石米鈔中半兼支襲封同鎮國將軍歲支祿米一千  
石輔國將軍歲支祿米六百石俱米鈔中半兼支  
寧府寧王歲支祿米一萬石米鈔中半兼支郡王初  
封歲支祿米一千石米鈔中半兼支襲封同鎮國將  
軍歲支祿米一千石輔國將軍歲支祿米八百石奉  
國將軍歲支祿米六百石俱米鈔中半兼支  
岷府岷王歲支本色祿米一千五百石郡王初封歲  
支祿米五百石米鈔中半兼支襲封同鎮國將軍歲  
支祿米一千石輔國將軍歲支祿米八百石俱米鈔  
中半兼支

韓府韓王歲支祿米三千石本色二千石折色一千  
石郡王初封歲支祿米一千石輔國將軍歲支祿米  
八百石奉國將軍歲支祿米六百石鎮國中尉歲支  
祿米四百石俱米鈔中半兼支

瀋府瀋王歲支祿米一萬石本色六千石折石四千  
石郡王初封歲支祿米二千石襲封一千石俱米鈔  
中半兼支鎮國將軍歲支祿米一千石輔國將軍歲  
支祿米八百石奉國將軍歲支祿米六百石俱米鈔  
中半兼支

唐府唐王歲支本色祿米五千石郡王初封歲支祿



米二千石襲封一千石俱米鈔中半兼支鎮國將軍  
歲支祿米一千石輔國將軍歲支祿米八百石奉國  
將軍歲支祿米六百石俱米鈔中半兼支

伊府伊王歲支本色祿米二千石郡王初封歲支祿  
米二千石襲封一千石俱米鈔中半兼支鎮國將軍  
歲支祿米一千石米鈔中半兼支

趙府趙王歲支祿米一萬石襲封一千石俱米鈔中  
半兼支郡王初封歲支祿米二千石襲封一千石米  
鈔中半兼支鎮國將軍歲支祿米一千石輔國將軍  
歲支祿米八百石俱米鈔中半兼支

鄭府鄭王歲支本色祿米一萬石郡王初封歲支祿  
米二千石襲封一千石俱米鈔中半兼支

襄府襄王歲支本色祿米一萬石郡王初封歲支祿  
米二千石襲封一千石俱米鈔中半兼支

荆府荆王歲支本色祿米一萬石郡王初封歲支祿  
米二千石襲封一千石俱米鈔中半兼支鎮國將軍  
歲支祿米一千石米鈔中半兼支

淮府淮王歲支祿米一萬石米鈔中半兼支郡王初  
封歲支祿米一千石米鈔中半兼支襲封同

德府德王歲支本色祿米一萬石郡王歲支祿米二

千石米鈔中半兼支

秀府秀王歲支祿米一萬石後國絕

崇府崇王歲支本色祿米一萬石郡王初封歲支祿  
二千石米鈔中半兼支

吉府吉王歲支本色祿米一萬石

徽府徽王歲支本色祿米一萬石郡王初封歲支祿  
米二千石襲封一千石俱米鈔中半兼支

興府興王歲支本色祿米一萬石

岐府岐王歲支本色祿米一萬石後國絕

益府益王歲支本色祿米萬石

衡府衡王歲支本色祿米一萬石

雍府雍王歲支本色祿米一萬石後國絕

壽府壽王歲支本色祿米一萬石

汝府汝王歲支本色祿米一萬石

涇府涇王歲支本色祿米一萬石

榮府榮王歲支本色祿米一萬石

靖江王府靖江王歲支本色祿米一千石輔國將軍

歲支祿米八百石奉國將軍歲支祿米六百石鎮國

中尉歲支祿米四百石輔國中尉歲支祿米三百石

奉國中尉歲支祿米二百石俱米鈔中半兼支



按會典所引親王萬石項下云唐制歲該四千八百石絹四千八百匹綿四百五十斤宋制領節度使歲該穀二千四百石錢四千八百貫絹二百匹綾一百疋羅十疋綿五百兩郡王二千石下云唐制歲該米七百石田六十頃宋制領觀察使歲該粟一千二百石錢二千四百貫絹二十疋綿五十兩於鎮國將軍一千石下云唐制歲該米六百石田五十頃宋制郡王子以下量材授官照其官品高下給祿其輔國將軍至奉國中尉俱引唐制爲比不知當時修會典諸公何鹵莽不學至此唐親

王正一品嗣王郡王國公從一品郡公正二品蓋言其班位與幹力防閣之類視之耳非爲祿也何以言之凡王公必有邑封當武德時公鄉大夫皆以功起無不受封邑者以故不給祿秩至貞觀而始定京官正一品米七百石錢六千八百從一品米六百石正二品米五百石錢八千以至九品三十石外官降一等後又改公田十二頃至二頃其幹力及防閣庶僕別給今所謂親王穀絹錢數何據也郡王視從一品止應六百石不當言米七百石田六十頃也攷之太宗爲秦王功大至三萬戶



齊王元吉亦二萬而諸王少者千戶至中宗時相  
王太平安樂公主各實封滿萬戶太府卿常嗣立  
奏食祿之家用六十萬丁一丁絹兩匹過於國家  
本數又御史宋務光言太平安樂多割貨高丁多  
者爲民累至開元初始定戶不過三丁親王封止  
千戶然則食千戶者大約可得絹六千匹或爲職  
官始有兼祿而幹力防閣視品秩爲定耳然食貨  
志又有親王公田百頃郡王公田五十頃此當是  
食祿而戶則調絹其郡王其郡王次子以下却無  
封爵或有 恩澤特封或量材擢用今擬引至中

尉何所據也宋制皇子節度領侍中皇族節度平  
章事及節度錢穀絹綾羅數雖同而無穀石且親  
王初出閣止領觀察而郡王資久有轉至使相者  
殊不以親郡王爲等也其下明載領節度留後者  
歲錢千六百貫加絹五十疋綾十疋春羅一匹冬  
綿百兩領觀察者錢千貫絹三十疋綾羅同綿五  
十兩以下又有領防禦團練六軍統軍諸衛上將  
軍名項而其封亦有國公郡侯郡伯之名今謂郡  
王之子即量材授官抑何舛也蓋唐制王公以食  
邑爲準而有官則有祿宋制食邑真食皆爲虛而



以兼官制祿與本朝之制異不可強而引也

洪武九年定諸王公主歲供之數

親王歲支米五萬石鈔二萬五千貫錦四十疋紵絲三百匹紗羅各一百疋絹五百疋冬夏布各一千疋綿二千兩鹽二千引茶一千斤馬匹草料月支五十匹其段匹歲給匹料付王府自造

靖江王歲支米二萬石鈔一萬貫餘物比親王減半馬匹草料月支二十匹

公主未受封每歲支紵絲紗羅各一十疋絹冬夏布各三十疋綿二百兩已封賜莊田一所計歲收米一

千五百石鈔二千貫

親王子男未受封歲支紵絲紗羅絹冬夏布綿同公主未封例女未封者減半

男已封郡王者歲支米六千石鈔二千八百貫錦一十疋紵絲五十疋羅二十五疋絹及冬夏布各一百匹綿五百兩鹽五十引茶三百斤馬匹草料每月支十匹女已受封及已嫁者歲支米一千石鈔一千四百貫其段於所在親王國帶造

皇太子次子既封郡王後候出閣歲支與郡王同女及嫁者與郡王已封女同



按是時親藩既少而物力方茂故所定如此及查會典所載周王二萬石襲封萬二千石秦晉楚蜀慶魯寧濟趙鄭襄荆淮德秀崇吉徽興岐益衡雍壽汝涇榮王各一萬石代王六千石唐王五千石遼韓伊王二千石岷王千五百石肅王一千石與前迥異豈非慮宗支蕃衍爲式貢之地耶然中間差等不一如岷王之千五百石肅王之一千石反不如他府之初封郡王尚有二千石而岷府之郡王五百石更不若本府之鎮國尚有一千其他如代府之六千磨府之六千韓府之三千遼府之二

千或係轉餉之難或係暫作行糧俱不可曉也又惟周王本色二萬石或係太宗母弟之故至其子孫尚存萬二千則秦晉二王獨非太宗之母兄乎未樂二十二年 仁宗謂戶部尚書夏原吉曰朕諸叔在者無幾諸兄弟惟趙王居京師餘皆守藩于外朕旦夕在念蓋帝王之治莫先親匕况朕親嗣大位於此尤當加意其增諸王歲祿于是 周府加米五千石通前二萬石悉支本色 慶府原祿一萬石悉支本色 寧府加米九千石通前一萬石悉支本色 代府加米千五百石通前二千石悉支本色 潘



府加米七千石通前萬石內本色米六千石餘折鈔  
唐府加米千七百石通前二千石悉支本色 魯  
府加米二千石通前五千石悉支本色 遼府加米  
千石通前二千石悉支本色 肅府加米五百石通  
前一千石悉支本色 秦府原祿一萬石內加米四  
千五百石通前五千石支本色餘五千石折鈔 伊  
府加米千七百石通前二千石悉支本色 靖江王  
加米七百石通前一千石悉支本色 漢趙二府各  
加米二萬石通前三萬石仍歲加鈔十萬貫晉濟嘉  
給米三千石明年又命戶部給韓王冲或歲祿米三

千石內一千五百石支本色餘折鈔襄陵王樂平王  
各歲祿一千石內五百石支本色餘折鈔攷漢庶人  
以宣德元年反削國而趙王亦辭所加之祿矣

嘉靖九年禮部覆豐林王疏議慶宗室事 上自爲

書賜諸王欲將朝廷皇子皆封郡王親王次子皆封

鎮國將軍書成未發以示少傅張璠言諸王封爵

原有定制恐一旦減降有失親睦之道以臣愚計莫

若量減祿而不降封郡王以下凡全支俸米者照依

京官事例米鈔或四六或中半折支其有米鈔兼支

者亦量爲遞減以示樽節 上遂不果行至嘉靖末



禮部議上宗藩條例於是秦晉周楚蜀趙慶襄淮德  
崇歲祿萬石辭一千石魯益衡歲祿萬石辭二千石  
榮王萬三百石與唐王六千五百石俱辭五百石而  
郡王以下至中尉皆有所減削矣

元之諸王歲祿尤與歷代異蓋皆領部曲逐水草於  
西北邊而國家以金帛絲楮之類供之其厚薄有絕  
不可曉者太祖叔答里直官人位歲銀三十錠錠五兩  
段一百疋五戶絲一千八百一十二斤江南戶鈔四  
百四十錠弟搠只哈撒兒大王子淄川王位歲銀一  
百錠段三百疋五戶絲三千六百五十六斤江南戶

鈔一千二百錠哈赤温大王子濟南王位歲銀一百  
錠綿六百二十五斤小銀色絲五千斤段三百疋羊  
皮一千張絲九千六百四十八斤鈔二千六百錠幹  
真那頰位歲銀一百錠絹五千九十八百綿五千九  
十八斤段三百匹羊皮五百張金十六錠四十五兩  
絲一萬一千四百二十五斤鈔二千八百五十五錠  
孛羅古解大王子廣寧王位歲銀一百錠段三百匹  
絲一千三百五十九斤鈔七百二十錠太祖長子木  
赤大王位歲段三百匹常課段千匹絲一萬斤戶鈔  
二千四百錠次子茶哈得大王歲銀一百錠段三百



匹綿六百二十五斤常課金六錠六兩絲六千八百三十八斤鈔二千六百九十三錠第三子太宗子定宗位歲銀一十六錠三十三兩段五十疋絲五千一百九十三斤第四子睿宗子阿里不哥大王位歲銀一百錠段三百匹絲一千五十三斤鈔四千一百六十錠第六子濶列堅太子河間王位歲銀一百錠段三百匹絲四千四百七十九斤鈔一千一百五十七錠太宗子合丹大王位歲銀十六錠三十三兩段五十匹絲九百三十六斤鈔一百錠城里大王銀段同絲九百九十七斤合失大王銀段同絲一百五十四

斤濶出太子銀六十六錠三十三兩段一百五十疋絲七百六十四斤鈔一千一百九錠睿宗長憲宗子阿遑台大王歲銀八十二錠段三百疋絲九百十六斤次子世祖子裕宗位歲銀五十錠鈔一千一百九十錠后位段一千匹絹一千匹鈔四千五百三十錠睿宗子旭烈大王歲銀一百錠段三百匹絲二千二百一斤末哥大王歲銀五十錠段三百匹絲三百三十三斤鈔三百二十四錠撥綽大王歲銀段同絲六百十斤鈔二百十三錠歲哥都大王絲二十斤世祖子安西王忙哥刺歲段一千疋絹一千疋鈔二千六



百錠北平王那木罕同平遠王濶七出歲折段匹物料鈔一千六百五十六錠折銀鈔一千錠戶鈔五百四十四錠西平王奧魯赤愛牙赤大王鎮南王脫歡雲南王忽哥赤忽都帖木兒太子歲折段匹物料銀鈔戶鈔俱同裕宗長子晉王其麻刺歲段一千匹絹一千匹中統鈔一千錠戶鈔二千六百錠順宗子阿木哥魏王文武宗子明宗歲鈔各二千六百錠此外有合丹大王絲七十七斤霍里極大王絲三十七斤阿魯渾察大王僅二斤而已

宗室公主即位之賞

成祖初周楚齊代等國并靖江王各黃金百兩白金千綵幣四十匹錦十匹紗羅各二十疋鈔五千錠仁宗初漢王高煦趙王高燧各黃金五百兩白金五千兩錦百匹紵絲二百匹羅二百匹紗二百匹胡椒蘇木各五千斤鈔萬錠良馬百匹以同母弟故也周王橚黃金百兩白金千兩紵絲四十表裏錦十匹紗羅各二十疋鈔萬錠慶王楠寧王權代王桂瀋王模無黃金其白金鈔錠錦帛等物同周王唐王瓊魯王肇輝焯晉王濟黃煥蜀世孫友平陽王美各白金五百兩鈔六千錠紵絲二十表裏錦六匹羅十匹紗



十匹晉庶人濟熹翼世冠二金相玳瑁帶龍文紵絲  
紗羅衣材九龍白金三百兩鈔六千錠紵絲羅各二  
十表裏錦九匹紗二十匹胡椒蘇木各三千斤厩馬  
二十匹寧國長公主白金五百兩鈔五千錠紵絲二  
十表裏錦六匹羅紗各十匹汝寧懷慶南康永嘉含  
山汝陽寶慶七長公主各白金三百兩鈔六千錠紵  
絲二十表裏

宣宗初賜周寧慶代潘五王各白金五百兩紵絲二  
十表裏錦五匹紗羅各二十匹兜羅錦五匹西洋布  
十疋鈔三萬貫漢趙二王加黃金百兩餘同其晉楚

其晉楚遼蕭魯韓唐伊蜀秦十王各白金三百兩紵  
絲十表裏錦三疋紗羅各十疋兜羅錦三疋西洋布  
五疋鈔二萬貫寧國大名南康永嘉含山汝陽寶慶  
七大長公主及永平安寧咸寧三公主各白金二百  
兩鈔萬貫餘同十王

英宗初賜慶代寧岷四王各白金五百兩紵絲羅各  
二十表裏紗二十疋錦五疋鈔三萬貫周楚魯遼韓  
五王各白金三百兩紵絲羅各十五表裏紗十五疋  
錦三匹鈔二萬貫蕭唐伊潘襄荆淮梁趙秦及平陽  
保寧二王各白金三百兩紵絲羅各十表裏紗十匹



錦三匹鈔二萬貫靖江王白金二百兩紵絲羅各十  
表裏紗十疋錦三匹鈔萬貫汝陽含山永嘉南康四  
大長公主咸寧長公主安成公主各鈔二萬貫餘同  
靖江王  
景帝初賜魯叔祖岷王白金三百兩紵絲羅十表裏  
紗十疋錦五疋鈔萬貫諸王各白金二百兩餘同公  
主以下賞有差

憲宗初賜魯王遼王慶王肅王唐王鄭王襄王寧王  
周王瀋王伊王岷世子各白金三百兩紵絲羅各十  
五表裏紗十五疋錦三疋鈔二萬貫淮王晉王秦王

韓王代蜀二世子各白金三百兩紵絲羅十表裏紗  
十疋錦三疋鈔二萬貫趙悼王荆靖王長子靖江王  
各白金二百兩紵絲羅十表裏紗十匹錦三匹鈔一  
萬貫

孝廟初賜寧王唐王潘王慶王周王襄王鄭王岷王  
肅王遼王蜀王楚王晉王淮王代王伊王魯王各白  
金三百兩紵絲羅十五表裏紗十五疋錦三疋鈔二  
萬貫德王崇王吉王徽王荆王趙王韓王鎮安王各  
白金三百兩紵絲羅十表裏紗十疋錦三疋鈔二萬  
貫靖江白金二百兩紵絲羅十表裏紗十疋錦三疋



鈔一萬貫 武廟初賜親王白金文綺各有差 武廟以後史畧其數不可攷大抵 宣德初賞已薄於仁廟自是而後差次城削益懸絕矣攷之漢史惟呂太后崩遺詔賜諸王各千金其後人主加元服賜諸王黃金皆百斤而即位之賜不可攷也惟元自成宗即位大會諸王比世祖應賜黃金五十兩者增至二百五十兩銀五十兩者增至三百五十兩鈔幣各有差武宗即位賜如之仁宗即位普賜諸王金凡三萬九千六百五十兩銀一百八十四萬九千五十兩鈔二十二萬三千二百七十九錠幣帛四十七萬二千

四十八匹英宗即位普賜諸王金五千兩銀七十八萬兩鈔幣五萬七千三百六十四匹木棉九萬二千六百七十四斤衣八百九十五襲泰定帝即位普賜后妃諸王金三萬五千餘兩銀二百六十五萬兩錢鈔幣帛稱是其視我朝不啻數十倍矣

之國之賞

之國之賞可攷者洪武十年楚王楨之國武昌賜黃金千六百兩白金二萬兩鈔二萬錠永樂元年汝南王有勳之國雲南鈔二萬錠海肥十萬索綿布五百匹寧王權之國南昌鈔萬錠又賜萬錠周王橐之



國大梁鈔萬錠又以朝辭賜鈔二萬錠紵絲三百匹  
紗羅各百匹絹千匹兜羅錦五十二條火者二十八  
人馬百匹谷王穗之國長沙賜馬二十四匹金鞍二  
副銀五百兩鈔三萬六千錠錦十匹紵絲綾羅各六  
十疋絹百九十匹羊二十腔酒二百餅衣紗羅絹布  
各五十匹鈔萬錠

洪熙元年趙王高燧之國彰德賜黃金一百兩白金  
五百兩綵幣九十表裏鈔二萬錠馬十匹金鞍二副

來朝之賞

來朝之賞可攷者洪武三十五年即 文廟初賜楚

王貞鈔二萬五千錠絲幣二十表裏代王桂鈔七千

錠晉王濟喜五千錠元年賜永興王尚烈鈔千八百

錠平陽王濟黃八千錠周世子有敷鈔二千錠二年

賜周王肅鈔萬錠又追賜羊百牽酒千瓶及外國貢

物九年賜谷王穗白金千兩鈔三萬錠紵絲百匹袞

龍袍服三襲絹五百匹白兜羅綿十條西洋布三十

匹檀香三百斤降真香五百斤胡椒蘇木各千斤馬

十匹羊百羝酒五百餅椰子三百枚火者百人十四

年賜周王肅鈔二萬錠紵絲五百匹紗羅各百匹絹

千匹兜羅錦五十二條火者二十八人馬百匹楚王



貞馬百匹鞍轡一副鈔三萬錠紵絲三百匹紗羅各  
百匹絹千匹胡椒千斤椰子千箇紅白兜羅錦五十  
二條及紅撒哈刺獅子尾等物蜀王春銀三千兩鈔  
六萬錠米萬石各色紵絲五百匹紗羅各二百五十  
匹絹千匹兜羅錦六十條蘇木五千斤胡椒三千斤  
馬一百五匹鞍二副火者百人肅王橫紵絲五十匹  
紗羅各三十疋絹三百匹洪熙元年賜漢王子瞻坦  
臨淄王瞻或昌樂王瞻淄川王瞻賜瞻旦織金  
紵絲羅紗衣各三襲文幣二十表裏黃金百兩白金  
五百兩馬十匹瞻或等織金紵絲羅紗衣各二襲文

幣十六表裏黃金八十兩白金四百兩馬八匹靖江  
王府輔國將軍贊各鈔二十萬貫蓋是時鈔  
已賤故也高成之世諸王來朝歲無虛月不聞以煩  
費疑過為嫌自

仁廟辭周王以下入臨而宣廟後遂絕矣惟天順  
中哀邸兩朝天順中

太皇太后疾亟召諸王甫命下而駕崩竟罷之

特賜可攷者永樂元年賜周王肅鈔八萬錠齊王棟

二萬錠四年後賜周王鈔六萬錠定王貞二萬錠蜀

王春珍珠一百九十二兩白金一千五百兩鈔二萬



錠谷王惠紗羅絹布各五十疋慶王梅各三十四鈔  
各二萬錠慶成王濟玄織金袞龍紵絲袍服十八表  
裏各色紵絲一百表裏撒哈刺二匹兜羅錦被十金  
相柳盞一鈔五萬錠洪熙元年賜寧王權黃金百兩  
白金三百兩錦十匹綵段二十表裏紗羅各十四周  
王肅白金綵幣同鈔二萬貫晉王濟熹白金百兩鈔  
十萬貫綵幣六十表裏火者六十什器香藥咸備  
特賜公主可考者賜寧國長公主洪武三十五年賀  
生辰禮物銀肆錠每錠重五十兩彩段十表裏鈔四百錠羊  
二十控酒一百瓶果四盒

永樂二年賜特製鳳冠一頂

未樂八年賜花銀六百兩米五百石鈔六萬貫紵絲

五十匹暗花二十六匹大紅三匹福青五匹藍青三

匹黑綠五匹深桃紅二匹素二十四匹大紅四匹深

青四匹肉紅三匹翠藍四匹明綠五匹出爐銀紅四

匹綵絹二百疋大紅二十五疋桃紅五十疋木紅五

十疋藍二十五疋綠五十疋羊一百控酒五百瓶柴

三萬斤炭一萬斤閻者拾名范春年二十歲阮道年

二十歲武士年二十歲范極年十八歲阮擬年十七

歲阮注年十六歲武合年十六歲阮倫年十六歲陳



旗年十五歲良舍年十二歲

末樂十三年賜鍍金銅佛像二尊文殊菩薩一尊四  
臂觀音菩薩一尊鍍金銅鈴杵六副紅字輪六十個  
大紅明花紵絲袋金纍漆紅刻菊花香盒一個金字  
輪三個共一袋盛金匾索計一兩四錢金廂佛骨一  
塊嵌用紅寶石六塊金匾索共計金二兩三錢金廂  
紫檀木數珠一串計一百一十顆上帶金小杵一個  
共計金一兩八錢臘羊二十隻臘猪十口計三筊蛤  
蚶醬一百六十斤計四罈醃鯉九十斤計四罈醃魚  
子八十斤計四罈水母線四十斤計二罈醃蠔肉三

十三斤計二罈醬蚶子六十個計二罈對蝦五百對  
計一筊蝦米一百斤計二筊海魚一千斤計十二筊  
松子三石計三櫃榛子三石計三櫃核桃二萬個計  
二筊紅棗兒二石計二筊酥油一百斤計二桶泥螺  
六十斤計二罈各色羅十表裏各色紗一十四匹各色  
將樂布十四匹高麗布五匹模絲布五匹鈔二萬貫米  
三百石

末樂十三年賜鈔五萬貫兜羅綿十床海外番鹽三  
塊計三十斤

末樂十四年賜銀二十錠每錠五十兩鈔五萬貫胡



椒一千斤羊一百控米一千石柴五萬斤炭五千斤  
永樂十五年賜鈔五萬貫綵段三十疋綵絹三十疋  
黃鼠一千個酥油一百斤榛子十石紅棗五石栗子  
十石核桃一萬個

永樂二十年賜大吉祥妙輪十一個紅漆一個黑漆  
十個 永樂二十二年賜銀五百兩鈔三萬貫紵絲  
二十表裏錦六匹羅十疋紗十疋

生日之賞可攷者永樂二年賜周王<sub>肅</sub>布五十匹模  
絲將樂布各百匹日本扇二百握四年賜金袞龍紗  
三匹織金鸞鳳朝衣材二匹素暗花紗十三疋高麗

布二十疋模絲布十匹又賜紵絲紗羅各二十匹綵  
絹四十疋鈔萬錠馬十匹及羅帕金扇等物九年肅  
王<sub>模</sub>來朝是日適<sub>模</sub>生旦賜綵幣十表裏羊五十控  
酒百餅仍命光祿供饌

按古之恩賜可攷者漢昭帝初賜燕王旦廣陵王  
胥錢一千萬廣陵王來朝賜錢二千萬黃金二百  
斤劔二安車一乘馬二駟宣帝賜黃金前後五千  
斤他噐物甚衆東平王蒼歸國明帝賜錢五千萬  
布十萬匹七年特賜宮人奴婢五百人布二十五  
萬疋及珍寶服御噐物十五年賜錢千五百萬布



四萬匹章帝建初元年以言事賜錢五百萬又賜大宛汗血馬一匹入朝賜裝錢千五百萬又賜貂裘及大官食物珍果臨訣賜乘輿服御珍寶輿馬錢布以億萬計薨賜賻錢一萬七布九萬匹阜陵王延徙都壽秦賜錢千萬布萬匹安車一乘清河王慶誅竇憲後賜奴婢三百人輿馬錢帛帷帳珍寶玩好充牣無筭宋初賜秦王延美銀萬兩德昭德芳各五千兩出秦王廷美西京賜襲衣通犀帶錢千萬緡絹絲各萬匹銀萬兩甲第一區周王元儼疾賜銀五千兩皇子愷封魏王賜黃金三千兩

白金一萬兩金世宗賜壽王勿溫魯金一百五十兩金絲百端絹五百匹章宗立各賜金五百兩銀五千兩錢十萬金幣三百端絹二千匹元憲宗賜諸王拔銀一千錠鈔五十萬貫元世祖賜諸王穆哥銀二千五兩諸王按只帶忽刺忽兒合丹忽刺出勝納合兒兀魯忽帶瓜都伯木兒阿只吉各五千兩文綺帛各三百匹塔察阿木魯鈔各五十九錠綿五千九十八斤絹五千九十八匹文綺三百匹海都銀八百三十三兩文綺五十疋北平王南木合馬萬三千匹羊五萬又馬三萬羊十萬諸王阿



只吉米五千石馬六百羊萬口諸王玉都銀千兩  
火爾赤五百兩各珠一索錦衣一襲諸王木伯銀  
五萬兩幣帛各一萬匹兀魯台瓜忽兒銀五千兩  
幣帛各一百匹諸王小薛金百兩銀萬兩鈔千錠  
赤吉金二百兩銀二萬二千五百兩鈔九千錠及  
紗羅絹布各有差八八金百兩銀萬兩金素段五  
百紗羅絹布四千五百拔都不倫金百五十兩銀  
五十兩幣帛紗羅萬疋木白金銀各二百五十兩  
幣帛紗羅萬疋也里千金五十兩銀五千兩鈔千  
錠幣帛紗羅二千匹按答兒禿等金千二百五十

兩銀十二萬五千兩鈔二萬五千錠幣帛布毛二  
萬三千六百六十六疋愛牙合赤等金千兩銀一  
萬八千三百六十兩絲萬兩綿八萬三千二百兩  
金素幣一千二百匹絹五千九十八匹部曲羊馬  
鈔二十九萬餘錠馬二萬六千九百一十四羊十  
萬二百一十駝八牛九百武宗賜幽王出伯金千  
五百兩銀二萬兩鈔萬錠寬闊字可等金二千三  
百兩銀一萬七百兩鈔三萬九千一百錠麻兀兒  
除登極恩賜外金五百兩銀千兩鈔二千錠鎮南  
三老章又親王八不沙金五百兩銀五千兩鈔二



千錠定王藥木忽兒千五百兩銀三萬兩鈔萬錠  
高唐王注安金五千兩銀五萬兩又諸王喃谷失  
言鈔二百五十萬貫文宗賜諸王阿刺忒納失里  
月魯帖木兒知樞密院事不花帖木兒金各五百  
兩銀各二千五百兩鈔各萬錠西域諸王燕只台  
吉金二千五百兩銀萬五千兩順帝賜親王撒戀  
谷失金百兩銀千兩鈔萬錠綺帛表裏各三百匹  
成王賜亦都護金五百五十兩銀七千五百兩合  
迷里斤帖林金五十兩銀四百五十兩定西王奧  
魯赤寧遠王濶七赤鎮南王脫歡也先帖木兒等

金各五百兩銀五千兩鈔二千錠幣帛各二百匹  
帖木兒不花也只里不花等金各四百兩銀四千  
兩鈔一千六百錠幣帛各一百六十匹安西王阿  
難谷鈔二十萬錠寧遠王濶七出六萬錠諸王阿  
只吉二十萬錠漢與元之賜宗室如此其去我  
朝何啻十倍也

### 有功之賞

有功之賞可攷者洪武二十年賜楚王楨秦馬二十  
匹黃牛二千頭騫牛一千頭羊九千隻并陝西草場  
一處以征雲南阿魯禿等處功也又賜晉王木及燕



王諱鈔各一百萬錠以征迤北功也洪武三十五年  
賜谷王惠樂七奏衛士三百金銀槍大劔金三百兩  
銀三千兩綵幣三百疋鈔三萬錠馬四匹金籠鞍轡  
二副歲加祿米三千石以金川門功也未樂十四年  
賜蜀王椿黃金二百兩白金千兩鈔四萬錠王帶一  
金織袞醜紵絲紗羅衣九襲紵綾羅紗各五十疋  
絨錦十疋綵絹千疋毳羅錦十條高麗布百疋米千  
石胡椒千斤馬十匹金鞍轡二副以發谷府反謀功  
也二十二年賜趙王高燾白金三千兩鈔三萬貫綵  
幣二百表裏馬十匹以護送山陵勞也

卷六十七

弇山堂別集卷六十八

吳郡王世貞元美著

命將上

自高廟至今親征之外凡大舉平敵出塞者悉紀  
之

按洪武初年定出師獻俘儀注錄之

遣將出師授節鉞禮儀

前期拱衛司設大將軍次於午門外兵部官備節鉞  
陳於奉天殿內架上內使監設御座于殿中侍儀司  
設大將軍拜位于丹墀中道稍西又設受節鉞位於



御前俱北向設內贊位及授節鉞官位授節鉞執事  
位於大將軍受節鉞位之北東西相向百官侍立位  
於文武樓之北東西相向通班贊禮位於大將軍丹  
墀拜位之北通班在西贊禮在東引大將軍二人位  
於通班之次其餘侍衛陳設如朝會儀是日鼓初嚴  
侍儀導從官入迎車駕次嚴文武官具朝服入侍立  
位大將軍朝服入立候於丹墀之西北所部將士鼓  
吹皆候於午門外鼓三嚴 皇帝服武弁服出樂作  
陛座樂止鳴鞭捲簾報時訖引班引大將軍就丹墀  
拜位贊禮唱鞠躬拜樂作四拜興樂止引大將軍由

西陛陸西門入內贊接引至御前唱鞠躬樂作再拜  
興樂止唱跪播笏大將軍跪播笏授節鉞官取節鉞  
至御前跪承制興立於大將軍之東北宣制位先授  
節次授鉞大將軍以次受訖以授執事者執事跪受  
立于西唱出笏俯伏興樂作大將軍出笏俯伏興復  
再拜樂止自西門出執節鉞者前行至位分立于左  
右樂作贊禮復唱鞠躬四拜興禮畢樂止 皇帝興  
樂作還宮樂止大將軍出勒所部建旗幟鳴金鼓正  
行列擊節鉞奏樂前導百官以次送出

遣將告祭廟社儀



遣將告祭廟社儀與遣官奏告廟社禮同就命大將以牲幣行一獻禮師還則陳凱樂俘馘於廟社門外而祭告之與出師祭告儀同

### 大將奏凱儀

先期大都督以露布聞大將未至前一日所司設大將次于午門外內使監官陳御座於午門樓上前楹當中南面侍儀司設大將拜位於樓前北向諸將位於大將之後文武百官位於諸將之南文東武西奏凱樂位於大將位前協律郎於奏凱位之北司樂位於協律郎之南俱北向贊禮位於樓前大將拜位之北

文武官侍立於兩傍諸將侍立位於文武班之北俱東西相向大將侍立位於諸將之北東向引班舍人位各於所引官之北東西相向又設獻俘位於樓前少南獻俘將校位於獻俘位北刑部尚書奏位於將校之北皆北向又設刑部尚書受俘位於獻俘位西東向設露布案於內道正中南向受露布位於案東西向承制位於案東北西向宣露布位於文武班之南北向至日清晨大將以下入就侍立位 皇帝常服乘輿出升樓卽御座侍衛如常儀大將以下就拜位贊拜大將以下皆四拜退就侍立位贊奏凱樂協



律郎執麾引樂工就位司樂俛伏跪請奏凱樂協律  
郎舉麾鼓吹振作徧奏樂曲其曲隨事撰述樂止司  
樂跪唱謹奏樂畢協律以下以次退凱樂初奏將校  
引俘俟立於兵仗之外樂畢贊宣露布承制官承旨  
以露布付受露布官引禮引受露布官詣露布安跪  
受由中道南行以授宣露布官宣訖將校引俘至位  
刑部尚書跪奏曰某官某以某處所俘獻請付所司  
奏訖退就受俘位俟 旨其就刑者立於西廂東向  
以付刑官其宥罪者樓上承制官宣 旨曰有勅釋  
縛樓下承傳宣 旨釋訖贊禮贊所釋之俘謝恩皆

四拜呼萬歲者三將校以所釋俘退如有所賜就宣  
旨賜之大將以下就拜位皆四拜搢笏舞蹈山呼萬  
歲者三出笏復四拜乃出文武官就位四拜搢笏舞  
蹈山呼如常儀復四拜班首稍前跪稱賀致詞訖俯  
位興復位及衆官復四拜禮畢乘輿降樓還宮百官  
以次出

### 論功行賞儀

前期内使監陳御座香案于奉天殿如常儀尚寶司  
設寶案于殿中侍儀司設詔書案於寶案之前誥命  
案於丹陛正中之北設皇太子諸王侍立位於殿上



之東北設承制位於殿上之東宣制位于丹陛誥命案之北吏部戶部禮部尚書位於殿上之東南設大都督府兵部尚書位於殿上之西南應受賞官拜位於丹墀中序立位於丹墀西南受賞位於誥命案之南受賞執事位於受賞官序立位之西每官用捧誥命捧禮物各一人俱北向餘陳設如朝會儀是日鼓三嚴執事官各就位 皇帝服袞冕御輿以出樂作陛座樂止捲簾鳴鞭報時訖皇太子諸王具袞冕自殿東門入樂作至殿內侍立位樂止受賞官入就拜位樂作四拜樂止承制官跪承制由殿中門出吏部

戶部禮部尚書由殿西門出立于誥命案東承制官至丹墀中南向稱有制受賞官皆跪宣制曰朕嘉某等為國建功宜加爵賞今授以其職賜以某物某恭承朕命宣畢受賞官俯伏興樂作再拜樂止行賞受賞官第一人詣案前跪搢笏吏部尚書捧誥命戶部禮部尚書捧禮物各授受賞官受賞官以授左右出笏俯伏興復位餘官以次受賞訖承制官吏部尚書等俱至御前復命退復位樂作受賞官皆再拜樂止搢笏鞠躬三舞蹈跪呼萬歲者三出笏俯伏興樂作復四拜樂止禮畢 皇帝興樂作至謹身殿樂止皇



太子諸王還宮受賞官及文武官以次出至午門外以誥命禮物置于龍亭用儀仗鼓樂各送還本第明日進表稱謝如常儀

丙午八月庚戌 上以討張士誠告大江之神辛亥中書左相國徐達為大將軍平章政事常遇春為副將軍率師二十萬發建康辛酉師至太湖己巳常遇春敗其兵於湖州港癸酉進湖州之毗山又敗其兵甲戌至湖州遂圍之破其援兵潘元紹等又破士誠於皂林乙巳又大破其援兵於舊館戊寅遂平舊館寨得五太子等兵六萬人十一月甲申湖州李伯昇

等降己丑平章朱文忠平杭州潘原明等降癸卯大將軍達等兵至姑蘇城南鮎魚口擊士誠兵破之遂圍姑蘇達軍葑門常遇春軍虎丘郭子興軍婁門華雲龍軍胥門湯和軍閶門王弼軍盤門張溫軍西門康茂才軍北門耿炳文軍城東北仇成軍城西南何文輝軍城西北四面築長圍守之吳元年丁未正月庚子松江府嘉定州降六月己酉士誠出犯副將軍遇春兵大敗之壬子復出兵西門遇春復敗之八月辛巳達兵破葑門遇春兵亦破閶門新寨遂凌城士誠兵大潰執之得其官屬平章左丞叅政內史等官



及將校吏士外郡流寓之人凡二十餘萬已丑士誠  
至建康自縊死偽吳平

吳元年十月甲午中書左丞相信國公徐達為征虜  
大將軍平童軍國重事鄂國公遇春為副將軍率兵  
二十五萬由淮入河北取中原辛未沂州王宣父子  
納款壬午宣叛達討平之十一月辛丑達師克益都  
遂徇下其屬州縣十二月丁未都督張興祖兵至東  
平降元衆五萬洪武元年二月丙午遇春自濟南取  
東昌癸丑克之丁巳都督同知康茂才以兵益大將  
軍丙寅達師下樂安三月甲申達奏所下山東郡縣

獲卒三萬二千餘人馬一萬六千餘疋己亥達進攻  
汴梁至陳橋左君弼等迎降四月戊申達遇春自虎  
牢進攻河南破脫因帖木兒兵五萬河南降戊午達  
分兵取陝州遇春下汝州甲子上行幸汴梁都督馮  
宗異破潼關元守將望風奔潰辛卯遇春宗異至行  
在見上乙未辭六月庚子朔達至行在謀取元都  
癸卯辭己未會兵於河陰七月丁酉渡河閏七月庚  
子徇河北州郡癸卯下彰德丁未下廣平己酉師次  
臨清檄東昌兵來會癸丑達率馬步舟師北上戊午  
下長蘆辛酉抵直沽獲海舟七作浮橋以濟師遇春



卷之六十八  
等各率舟師並河東西以進馬步夾之元丞相也速  
等望風遁癸亥達師至河西務大破其平章俺普達  
等兵丙寅入通州復破其國公知院兵是夜三鼓元  
帝及其后妃太子開建德門北走八月庚午達進師  
圍元都將士填濠登城而入達登齊化門橫執其監  
國宗室淮王帖木兒不花及太尉中書右丞相慶童  
平章迭兒必失朴賽因不花右丞張康伯御史中丞  
滿川戮之獲諸王六人玉印二玉璽一封其府庫圖  
籍寶物等又封故宮殿門宮人妃王令其宦寺護視  
號令士卒無得侵暴人民皆安堵癸未偏將軍湯和

平章楊璟從達甲午右副將軍馮宗異從達征山西  
九月戊戌朔達改故元都安貞門為安定門建德門  
為得勝門戊申徇永平下之甲子大兵發北平乙丑  
下保定府丁卯下中山府己巳遇春兵克真定壬申  
右副將軍宗異偏將軍湯和兵渡太行破碗子關癸  
酉取澤州丁丑取潞州乙卯達略平定州戊午克河  
中府十一月甲子達檄宗異以潞州之師會十二月  
丁卯元丞相擴廓帖木兒由太原出鴈門謀復北平  
達兵擣太原擴廓還救未合戰夜襲其營盡覆之得  
壯士健馬各四萬擴廓遁遂悉下山西州縣二年正



月遇春兵攻大同守將竹貞走三月達至鹿臺遂入  
奉元路元平章李思齊張思道等遁遇春進攻鳳翔  
下之李思齊奔臨洮達師至鞏昌守將虎都帖木兒  
汪靈真保等出降宗異進逼臨洮李思齊降五月張  
良臣以慶陽降尋復叛六月甲戌達自涇州率諸軍  
圍之己卯遇春與副將李文忠率步騎九萬取開平  
敗元兵于錦又敗之於全寧又敗之於大興州進攻  
開平元主先北奔追北數百里俘其宗王平章斬之  
得將士萬人車萬輛馬三千疋牛五萬頭己亥遇春  
卒李文忠代將之八月丙寅破元脫列伯之師降其

衆萬餘癸未克慶陽斬張良臣達等還京師賞賚有  
差此克元之大畧也

吳元年十月甲子征南將軍胡廷美副將軍何文輝  
兵由江西取福建正月破建寧執叅政陳子琦獲將  
士九千七百九十餘人馬二百七十一疋十二月征  
南將軍湯和取福州洪武元年正月師至延平執平  
章陳友定二月癸卯廷美徇汀泉諸郡縣悉降之福  
建平是日平章廖永忠為征南將軍叅政朱亮祖副  
之率舟師由海道取廣東丙辰永忠等諭廣東右承  
何真壬戌勅贛州衛指揮使陸仲亨等率兵益永忠



卷之六十一  
等三月何真以廣東行省降四月己卯永忠移兵取梧州廣東西悉平

洪武三年春命右丞相信國公達復為征虜大將軍浙江行省平章李文忠為左副將軍右都督馮勝為右副將軍御史大夫鄧愈為左副副將軍湯和為右副副將軍分道出征沙漠四月丙寅大將軍達率師出安定駐沈兒峪口與擴廓帖木兒隔深溝而壘日數交戰擴廓發千騎由間道從東山下潛劫東南壘一壘皆擾達親率兵救之敵乃退遂斬其壘指揮數人以徇軍中股栗明日整兵出戰諸將爭奮遂大破

之於川北亂塚間擒元郊王文濟王及國公闡思孝平章韓札兒虎林等官一千八百六十五人將校士卒八萬四千五百餘人獲馬萬五千二百八十餘疋橐駝驢騾雜畜稱是擴廓僅以身免辛丑左副將軍李文忠師趨應昌未百里獲胡諜訊之云元主已殂自應昌往開平報國喪文忠即督兵進癸卯大破元兵追圍其城明日克之獲元主嫡孫買的里八剌并后妃宮人暨諸王省院達官士卒并獲宋元玉璽金寶一十五宣和殿玉圖書一玉冊二鎮圭大圭玉帶玉斧各一及駝馬牛羊無筭太子愛猷識里遁走得



免師旋頒 詔天下封賞有差

四年正月丁亥伐偽夏命中山侯湯和為征西將軍  
江夏侯周德興德慶侯廖永忠為左右副將軍率營  
陽侯楊璟等京衛荆襄舟師由瞿唐趨重慶潁川侯  
傅友德為征虜前將軍濟寧侯顧時為左副將軍率  
河南陝西步騎由秦隴趨成都閏三月楊璟師進攻  
瞿唐戴壽之兵不利退還歸州四月丙戌潁川侯攻  
階州克之己丑克熈州其平章丁世真庚寅命永嘉  
侯朱亮祖為征虜右副將軍發兵益湯和癸巳友德  
兵度青州果陽白水江遂趨隆州庚子克之癸卯克

綿州破向大亨兵六月壬午克漢州大敗戴壽兵復  
破吳友仁兵於古城丙戌德慶侯廖永忠率所部兵  
至夔夔府破其平章鄒興等辛卯破瞿唐關入夔州  
明日湯和亦至與永忠分道和率步騎永忠率舟師  
會攻重慶丙申友德兵至成都己亥永忠自夔乘勝  
抵重慶偽夏王明昇遣使納款癸卯湯和至昇與其  
母彭面縛街壁請降承制釋之七月友德大破偽丞  
相戴壽兵尋請降得士馬三萬庚辰偽平章丁世真  
竄山谷死庚子友德及江夏侯兵克保寧執吳友仁  
蜀地平



洪武五年正月甲戌命征虜大將軍達兵五萬出中路左副將軍文忠兵五萬出東路征西將軍勝兵五萬出西路征王保保即擴廓帖木兒也達至山西境都督藍玉兵至土刺河遇保保敗之保保走五月壬子達兵至嶺北與虜戰不利歛兵守塞別將中山侯和與虜戰於斷頭山不利指揮章存道死之六月戊寅勝及左副將軍陳德右副將軍傅友德師至蘭州友德率驍騎五千趨西涼敗元失刺罕之兵至永昌又敗元太尉朵兒只已于忽刺罕口大獲其輜重牛馬進至掃林山勝等師亦至友德手射死元平章不

花斬其黨四百餘降太尉鎖納兒加平章管任等至甘肅守將上都驢以吏民降進至亦集乃路守將卜顏帖木兒以城降進師破元岐王朵兒只班獲其平章長加奴等二十七人及馬駝牛羊十餘萬友德復追敗之於瓜沙州收其兵獲金銀印馬駝牛羊二萬餘而還甲辰文忠師至口溫地虜棄營遁獲牛馬輜重無算進至哈奔來虜別部驚潰復進至臚胸河輕騎襲虜至上刺河虜將蠻子哈刺章覘知之悉騎兵結陣以待文忠與戰虜稍却復進至河魯渾河虜騎益衆搏戰不已文忠馬中流矢急下馬短兵接泛者



劉義直前奮擊以身蔽文忠指揮李榮見事急以所乘馬授文忠自奪虜馬乘之文忠橫槊徑進士皆殊死戰虜遂敗走獲人畜萬計追至彌海虜復大集文忠勒兵椎牛饗士縱所獲馬畜於野示以閒暇居三日虜疑有伏兵不敢逼乃遁去文忠亦引歸宣寧侯曹良臣指揮使周顯張耀韋榮皆戰死是舉也大將軍所遇勁故敗失士馬數不可攷然孤懸塞外而能還保塞諸將無所亡失蓋一敗而能整故耳左副將軍雖名為勝之敢深入失亡過當幾至喪師征西將軍所遇靡故全勝而右副將軍功最多然賞罰俱不

行史謂達與諸將固請北征恐未必然也前是月餘上特召達文忠勝賜之交陟弓五十彤弓百而不及鄧衛公無何三將並命實上意也故不得而罪之宋公與指揮千百戶俱不賞而賞止旗軍則聞其有私馳馬之議耳

洪武十年四月吐蕃部川藏邀殺使者命衛國公鄧愈為征西將軍都督同知沐英為副將軍率陝西諸衛兵十餘萬討之五月愈等分兵為三道擣其巢穴遂大破川藏之衆追奔至岷嶮山斬首萬餘級獲馬牛羊十餘萬遣涼州等衛將士分戍碾北等處而還



愈行至壽春遇疾卒追封宣河王尋封沐英為西平侯將士陞賞有差

十三年故元國公脫火赤知樞密院愛足率衆數萬屯於和林為邊患命西平侯沐英等率陝西兵往討之英師至靈州遣候騎偵知脫火赤等兵次亦集乃路遂率精騎渡黃河經寧夏歷賀蘭山涉流沙凡七日夜至其境去穹廬五十里分軍為四道至夜銜枚而進合圍之擒脫火赤愛足盡獲其部落男女馬駝牛羊以歸悉封諸將安陸侯吳復等十餘人為列侯十四年九月命潁川侯傅友德為征南將軍永昌侯

王西平侯沐英為左右將軍率二十萬衆征雲南丁未友德至湖廣遣都督胡海洋等率兵五萬由永寧趨烏撒十二月戊辰友德等至曲靖大破梁王將達里麻兵於白石江擒之斬獲萬計友德自率衆數萬擣烏撒而分兵授王英趨雲南壬申梁王把匝剌瓦爾密走羅佐山轉入普寧州草舍自縊死癸酉王等兵入雲南定之追將分道取雲南諸路庚辰友德大破元右丞實卜兵遂城烏撒得七星關以通畢節又克可渡河於是東川烏蒙芒部諸蠻望風降附十五年正月辛巳別將攻威楚路降之壬午降其曲靖



宣慰司中庾徵江武定三路七州六縣閏二月癸卯左右副將軍兵進攻大理克之分兵取鶴慶麗江破石門關下金齒於是車里平緬等處俱來降雲南悉平

洪武二十年春正月癸丑命宋國公馮勝為征虜大將軍穎國公傅友德永昌侯藍玉為左右副將軍南雄侯趙庸定遠侯王弼為左叅將東川侯胡海武定侯郭英率兵二十萬北伐以元承相納哈出近遣故也三月辛亥師出松亭關駐大寧五月丁丑勝等至遼州東獲納哈出屯卒三百人馬四十餘疋遂進師

金山之西使其故將乃刺吾來云納哈出有三營畜牧甚盛不肯會虜主期至是見逼於我乃遣使至大將軍陽為納款而實覘我兵勢勝遂遣藍玉往一禿河受其降虜見我兵盛還報納哈出乃指天嘖嘖歎曰天不與我有此衆矣遂率數百騎詣玉約降玉大喜與飲懽甚納哈出酌酒酬玉玉請之先納合出即先飲更酌以授玉玉解衣衣之曰請衣此而後飲因相與爭讓久之納哈出取酒澆地顧其下咄咄語將脫去時鄭國公常茂在坐其麾下趙指揮者解胡語以告茂直前薄之納哈出驚起欲就馬茂拔刀斫



之傷臂不得去都督耿忠擁以見勝其所部將士妻子凡十餘萬松花河北聞納哈出被傷遂驚潰勝遣觀童諭之其降者凡四萬餘并得其各愛馬所部凡二十餘萬人羊馬驢駝輜重亘百餘里追獲北奔車輛四萬四千九百六十三傷殘達軍二萬四千二百二十九人是役也踰於霍冠軍之降休屠渾邪耳第以大將軍與鄭公茂爭功相訐勝還朝待罪茂削爵流雲南舉軍無賞者然王慶置之失宜僅亞於茂而茂之直前斫納哈稍矢之躁耳亦未可盡非也  
二十年九月丁未永昌侯藍玉為征虜大將軍延安

侯唐勝宗武定侯郭英為左右副將軍都督僉事耿忠孫恪為左右叅將討北虜二十一年三月乙卯出師至百眼井丙辰至捕魚兒海偵虜主營在海東北八十餘里以定遠侯王弼為前鋒直薄之虜方欲北向聞大軍至大尉蠻子拒戰敗之殺蠻子及其兵數十人衆遂降虜主脫古思帖木兒與其太子天保奴知院捏怯來丞相失烈門等數十騎遁去玉率精騎追之出千餘里不及而還獲其次子地保奴等六十四人及故太子必里禿妃并公主等五十九人又追獲吳王代王及平章八蘭等二千九百九十四人軍



卷之六十八  
士男女七萬七千二十七口得寶璽圖書牌面一百四十九宣勅照會三千三百九十道金印一銀印三馬四萬七千疋駝四千八百四頭牛羊一十萬二千四百五十二頭車三千餘輛聚其甲兵焚之尋又破故元將哈刺章營獲其軍士一萬五千八百三戶馬駝四萬八千一百五十餘疋

二十一年七月西平侯沐英奏東川諸蠻據烏山路結巢而叛上下三百里人跡阻絕詔大猷馬步兵命賴國公傅友德仍為征南將軍英為左副將軍普定侯陳桓為右副將軍景川侯曹震為左叅將靖寧侯

葉昇為右叅將往討之尋賜友德勅諭友德等謂東川芒部諸夷種類雖異而其始皆出囉囉厥後子姓蕃衍疆場乃異其名曰東川烏撒烏蒙芒部祿肇水西無事則互起爭端有事則相為救援近稱諸蠻不叛者號為循良固未可逆詐然湏加防閑嚴整師旅使彼不得肆其姦謀然後賊可破也又戒以山勢險峻道路崎嶇林菁深遠其人如猿猱猝難捕獲宜且駐兵屯種待以歲月然後可圖九月友德等討越州叛酋阿資又遣靖寧侯昇破平東川獲叛蠻五千五百三十八十一月友德討阿資置平夷千戶所於其



山二十二年正月破阿資普安寨獲其兵千三百馬  
牛羊五千三百頭二月進擊阿資於越州敗之斬其  
黨大頭宗等五十餘人獲馬牛羊萬計阿資勢窮  
與其母請降三月命友德駐沅州申國公鄧鎮駐大  
庸魏國公徐允恭駐常德曹國公李景隆馬安陸開  
國公常昇駐辰州靖宣侯葉昇駐襄陽普定侯陳桓  
駐岳州雄武侯周武駐武昌吉安侯陸仲亨駐蘄州  
安陸侯吳傑駐茶陵東平侯韓勳駐黃州東川侯胡  
海駐寶慶南雄侯趙庸駐長沙宣宣侯曹泰駐瞿塘  
宣德侯金鎮駐施州靖海侯吳忠駐衡州江陰侯吳

高駐未州全寧侯孫恪駐沔陽延安侯唐勝宗駐黃  
平都督張銓王誠孫彥駐桂陽忠州道州信國公子  
湯鼎六安侯子王威駐長寧夷陵諭以休息士卒控  
制蠻夷七月以友德疾召還

二十三年正月以故元丞相咬住太尉乃兒不花知  
院阿魯帖木兒平章忽哥赤等將為邊患詔晉王燕  
王各率所部大軍討之尋命穎國公傅友德為征虜  
前將軍南雄侯趙庸為左副將軍懷遠侯曹興為左  
副將軍定遠侯王弼為左叅將全寧侯孫恪為右叅  
將赴北平操練兵馬聽燕王節制復命齊王率山東



都司青交州護衛及徐邳二衛精銳馬步官軍隨征  
聽燕王節制仍遣都御史鉄古思帖木兒以勅諭咬  
住等降二月燕王率兵出古北口友德等各以所部  
從燕王諭之曰吾與諸將軍受命提兵沙漠掃清胡  
虜今虜無城郭居止其地空曠千里行師必有耳目  
不得其所難以成功諸將聽命即發哨騎探得虜跡  
知乃兒不花咬住等駐廬帳於通都遂進兵適大雪  
諸將欲止燕王曰天今大雪虜必不疑我至宜乘雪  
速進遂抵通都隔一磧虜不之覺乃先遣指揮觀童  
往招之觀童與乃兒不花齎至則相抱持而泣倉卒

間我師已壓虜營虜衆大驚乃兒不花欲上馬走觀  
童諭以燕王自至毋恐也乃兒不花咬住素聞王威  
信遂不去觀童引之來見王王降辞色待之即賜之  
酒食令醉飽慰諭遣還營虜甚喜過遂無遁意將至  
營又復召還如是再三遂悉收其部落馬駝牛羊以  
歸捷聞詔乃兒不花等將校二百餘人入朝獻太尉  
等銀印四金牌三銀牌八鐵牌五并所受元宣命二  
十八道以乃兒不花為留守中衛指揮使阿魯帖木  
兒為燕山中護衛指揮咬住為副都御史忽晉赤為  
工部右侍郎賜紗帽金帶襲衣鈔錠銀兩有差晉王



兵出塞不見虜而還

建文二年七月燕王起兵北平執殺都指揮使謝貴  
左布政使張昺事聞命征虜將軍長興侯耿炳文  
十萬衆伐之八月以十三萬衆戰於真定敗績炳文  
僅以身免左副將軍駙馬都尉右副將軍都督願成  
都指揮劉遂俱被獲九月命太子太師曹國公李景  
隆率兵五十萬代炳文賜節鉞得專征伐是月遼東  
總兵江陰侯吳高復敗績大寧失守宣王與其三護  
衛兵皆為燕十月景隆等悉衆攻圍北平不下十一  
月燕王自大寧還救景隆等大敗走屯德州以燕王

間書削遼東帥吳高爵戍廣西專任都督楊文三年  
正月燕王圍大同景隆引兵出紫荆救之遇燕王復  
還德州令左副將軍武定侯郭英右副將軍安陸侯  
吳傑駐真定尋合兵進至白溝河與燕王大戰連日  
復敗績死及降者數十萬景隆走德州燕師來薄景  
隆走濟南燕師遂取德州追擊至濟南景隆戰復敗  
走燕師遂圍濟南山東布政司左叅政鉞鉉擊却之  
燕王歸北平六月遣尚寶司丞李得成講和於燕八  
月都督徐凱等敗於滄州被擒詔都督盛庸以兵駐  
東昌與燕兵大破之王走北平進封庸歷城侯為平



燕將軍諸將咸屬焉三年二月庸進兵大戰於滹沱始勝之再戰大敗死者十餘萬庸走德州閏三月吳傑及都督平安兵復敗於滹沱北死者復十餘萬順德廣平大名俱失守遣大理少卿薛崑使燕諭罷兵五月都督袁宇兵復敗十月都指揮花英等兵復敗被獲十一月遼東兵圍永平者復敗四年三月平安兵復大敗於徐州命駙馬都尉奔殷以重寶淮安踞四十萬盛庸率餘兵走與殷合左都督何福等復大敗於靈璧福走左副總兵陳暉右副總兵平安右叅將馬溥都督徐直等三十七員禮部侍郎陳性善大

理寺丞彭與明欽天監副劉伯完等一百五十員皆被擒死者六萬餘人泗州失守盛庸兵復敗於淮安失戰艦以千數燕王遂南揚州失守命皇後姑慶成郡主如師請和割地不許六月盛庸等集舟師拒之瓜州復大敗王遂度江鎮江失守命魏國公徐輝祖開國公常昇等率兵分道出禦之復大敗遣曹國公李景隆兵部尚書茹瑄都督王佐行成不許景隆等遂納款復命諸王如師行成不許燕王兵至金川門谷王穗開門內之京師失守



公...

...

...

...

...

...

...

...

...

弇山堂別集卷之六十九

吳郡王世貞元美編

命將下

永樂四年五月安南國王陳天平還國遣都督僉事  
 黃中呂毅以兵五千送之封其僭臣胡奎為順化郡  
 公盡食所屬州縣三月己巳胡奎邀殺天平四月辛  
 未事聞 上大怒七月辛卯命成國公朱永為征夷  
 將軍西平侯沐晟新城侯張輔為左右副將軍豐城  
 侯李彬雲陽伯陳旭為左右叅將統兵八十萬征之  
 仍勅占城王木邦宣慰夾攻之十月戊子將軍能以



疾卒於龍州新城侯輔代搃其衆以進乙未輔師發  
憑祥度玻壘關前哨破之檄安南將吏數胡奎父子  
二十罪丙申破鷄陵關庚子搜芹站伏哨昌江造浮  
橋至北江府謀西平侯晟兵至白鶴遣驃騎將軍朱  
榮往會謀知賊衆號七百萬沿洮江洩江富良江立  
柵以守丁未下詔以新城侯為征夷將軍十二月辛  
卯西平侯奪宣江江面軍次洮江北岨與多邦城對  
壘新城侯攻洮江造浮橋濟師遣朱榮敗賊於嘉林  
江北尋克多邦城大破賊遂循富良江南下擣其東  
都破之癸卯復破西都屢敗其兵三江等路皆請降

五年正月內丙辰敗其援兵斬首三萬七千餘已巳  
復敗之於木丸江斬首萬餘辛巳復敗之於富良江  
斬首數萬胡奎父子脫身走五月甲子獲胡奎父黎  
季犛於海口山中乙丑獲黎蒼於南望山即胡奎也  
安南平六月癸未詔示天下定為都布按三司衛十  
千戶所二戶十五州四十一縣二百八安撫人民三  
百一十二萬有奇獲蠻人二百八萬七千五百有奇  
糧儲一千三百六十萬石象馬牛共二十三萬五千  
九百餘船隻八千六百七十七艘軍器二百五十三  
萬九千八百五十三件進封新城侯為英國公西平



侯為黔國公六年八月乙酉交趾賊簡定鄧悉等反命黔國公晟率兵四萬討之尚書劉儁參軍事十二月丁酉晟與簡定戰生厥江敗績尚書儁都督呂毅皆死之二月壬午命英國公輔為征虜副將軍清遠侯王友副之發兵南討八月己未英國公敗賊於鹹子關九月庚午復敗賊於太平海口十一月生獲偽虞上皇簡定等八年正月丙子敗賊黨院師檜等丁酉簡定及偽將相陳希葛等伏誅英國公還京八年五月丁丑黔國公晟追賊首陳季獮等於虞江破之斬首三千餘級戊寅晟別將江浩與賊黨鄧景異戰

不利季獮尋請降赦之以為交趾布政使鄧景異為都指揮九年正月己卯英國公仍佩將軍印率兵二萬四千合晟兵往討七月丙子輔晟敗賊於月常江十一月癸亥復破賊於沿海盡殲其醜類十年八月癸丑輔復大破之於神投海十一年十二月復大破之於愛子江十二年正月壬辰誅賊首鄧景異甲午獲阮帥等三月癸未獲偽越國大王陳季獮等餘黨悉平英國公等賞賚加等

七年秋七月癸酉淇國公丘福為征虜大將軍武城侯王聰同安侯火真為左右副將軍靖安侯王忠安



平侯李遠為左右叅將率十萬騎討北虜本雅失里治其殺使臣郭驥之罪也甲寅福以千餘騎先至敗虜遊兵於驢胸河遂度河謀知虜相距三十里不待師集徑薄其營與戰相持二日每戰虜輒佯敗引去福銳意乘之虜衆益盛福謀遣同安侯使虜假言求和自率騎繼之同安侯不可福厲聲曰不從命者斬既行虜伏發安平武城二侯率五百騎突虜陣殺賊數百人力屈死兵遂大潰福與王忠火真俱被執見殺士卒死者數萬人追削淇國公爵遷其家海南宣德元年夏四月命太子太保成山侯王通佩征夷

將軍印克總兵官都督馬瑛克叅將兵部尚書陳洽仍叅贊軍務往交趾等處征討叛寇黎利發楚蜀護衛兵二千人南直隸福建六省兵萬五千人廣西弩手三千餘人及本省土兵三萬人使將之前是交趾總兵營昌伯陳智都督方政討利敗績故也九月命鎮遠侯顧興祖以廣西兵五千益通其月通抵交趾十月通所部都指揮袁亮兵與利黨黎善戰不利善等分兵為三道來逼交趾通等出戰叅將馬瑛破賊於清威與通師會應寧縣渡寧橋遇敵大敗尚書陳洽死之通中傷而還黎利自安聞之自率衆會善



進圍東關十二月通大懼傳檄清化州迄南城池悉聽利管屬其官吏軍民皆令出城赴東關惟清化知州羅通指揮丁忠不從利分兵擊之不能下事聞詔以太子太傅安遠侯柳升佩征虜副將軍印為總兵官保定伯梁銘為左副總兵都督崔聚為右叅將大傅黔國公沐晟佩征南將軍印為總兵官興安伯徐亨為左副總兵新寧伯譚忠為右副將軍分兩道討利升所統兩京湖浙二廣十二省兵晟所統四川雲南兵合七萬人二年正月通出兵大破賊斬偽司徒黎豸偽司空丁禮等萬餘級眾請急攻之通不決三

日利兵復振三月再發諸省兵四萬五千二百人益升黎利兵陷昌江都指揮李任中官馮智知州利子輔等俱死之八月柳升兵至隘留關具書請罷兵立陳氏後兵進累破柵直抵鎮夷關升意輕賊以輕騎百餘前進渡橋遇伏中標死從騎皆沒軍中洶洶是日銘以病死明日李慶亦以病死大兵為賊所乘遂覆沒崔聚被擒不屈死之而晟兵遂怛沮不敢進十日事聞黎利上章進方物請立陳氏後詔遣禮部左侍郎李琦工部右侍郎羅汝敬為正使右通政黃驥鴻臚卿徐永達為副使齎詔撫諭之命王通等班師



十二月王通不俟命與利盟率師及文武官吏家屬八萬六千六百四十人還三年閏四月至京文武廷臣劾奏通及馬瑛方政三司官布政弋謙等俱論死錮禁之籍其家五月李琦等還奏陳氏之當為後者髡於正月中病死支裔遂絕於是命利權其國事而交趾失矣

正統六年定西伯蔣貴挂平蠻將軍印克總兵官兵部尚書王驥總督軍務率左副總兵李安右副總兵劉聚等合漢土兵十五萬討麓川宣慰思倫發初洪武間平雲南獨百夷酋長思倫發未服後為其頭目

刁干孟所逐赴京陳訴命為宣慰使居麓川分其餘地置孟養木邦孟定三府隸雲南跬江等四長官司隸金齒永樂元年陞孟養木邦為宣慰後孟養宣慰刁木但與其隣讎殺而死緬甸宣慰新獻加乘其敝取之新獻加復為所殺麓川思倫發之次孫思任發代為宣慰復乘緬甸敝取之遂侵孟定府及灣甸等州欲盡復祖故也累詔撫諭之不從遂用兵而黔國公晟兵往不利都督同知方政等戰死晟暴卒弟都督同知昂繼之復敗至是始大用師焉十月進兵破其上江寨其將刁放曼刁招漢等斬首虜五萬餘閏



十二月至騰衝進兵累破其衆遂平麓川殺溺死者將十萬人思任發走緬甸索之不獲賊子思機發復據五月以思任發走緬甸索之不獲賊子思機發復據麓川為寇復遣貴驥等率大兵五萬討之九年二月破麓川兵進至緬甸敗之獲賊妻孥家屬九千餘人捷聞詔班師陞賞有差然叛賊終不能正法而西南騷然矣

正統八年正月命成國公朱勇恭順侯吳克忠太監僧保出喜峰口興安伯徐亨太監曹吉祥出界嶺口都督馬亮太監劉末誠出劉家口都督陳懷太監但

住出右北口各將精兵萬騎約至黃河土河兩叉口會遼東各路兵馬剿兀良哈等三衛達賊二月勇等各捕鹵首級俘獲人畜器械陞賞有差

正統十四年正月命宣陽侯陳懋為總兵官保定伯梁珪平江伯陳豫為左右副總兵都督范雄董興為左右叅將刑部尚書金濂提督軍務太監吉祥陳蕪為監督大發兵討福建寇鄧茂七等先是茂七以沙縣押拒捕殺巡檢遂反聚衆至五十餘萬遂自称閩王初以都督劉聚為總兵陳榮副之陳詔劉德新為左右叅將僉都御史張楷監軍討之陳詔兵未至閩



遇處州賊葉留與戰敗死茂七勢益熾攻建寧掌府  
事左叅政張瑛戰不利死之賊遂進延平與劉聚遇  
中流矢兄子伯孫代之十一月懋等進兵平之凡斬  
獲萬餘人

十四年三月都督徐恭為總兵官討處州賊葉宗留  
等宗留者銀坑盜也以十二年反而征閩者都督陳  
詔兵遇之敗歿明年張楷兵征閩遇於宗留復遣副  
總兵陳榮討之復敗歿乃遣恭以二千騎馳至處州  
會宗留中流矢死其黨益熾恭與都指揮沈鱗耿定  
至晨出戰鱗等皆歿恭僅以身免會張楷兵至稍稍

得敗之遂諭降其黨以敗故功不論

十四年十月命都督同知董興兵部侍郎孟鑑僉都  
御史楊信民討廣東賊黃肖養先是肖養叛圍廣州  
殺都指揮王清勢大震景泰元年三月興兵至廣時  
賊畏信民恩威稍稍降散四月興遇賊於大洲頭大  
戰破之殺溺萬餘人肖養中流矢被擒伏誅餘黨悉  
平

成化元年正月命都督同知趙輔為征夷將軍右都  
督和勇為遊擊將軍左僉都御史韓雍贊理軍務調  
兩京江西湖廣兵萬人及土兵十五萬人征兩廣叛



卷之六十一  
蠻二年輔雍破大藤峽賊寨三百二十四斬首三千二百七級生擒七百八十二人獲賊屬婦女二千七百一十八人改大藤峽為斷藤峽尋又攻破五村大帽山黃沙吳峒等寨斬首四千四百三十八級生擒二百餘人獲賊屬男婦二百七十餘人奪獲被擄男婦三千九百四十六人詔輔班師雍畝封爵陞賞有差

成化元年十二月命撫寧伯朱永為靖虜將軍都督同知喜信為左叅將都督僉事鮑政為右叅將工部尚書白圭提督軍務太監唐慎右少監林貴監軍統

京營山東下班兵萬五千及川貴湖廣兵討荆襄反賊劉千斤等二年四月賊平擒千斤等二千五百七十餘人斬首二千五百五十餘級獲賊屬子女一萬一千六百餘人牛馬驢騾一萬一百八十有奇招撫脇從流民一萬八千五百三十餘人續斬賊首二百三十四人獲賊屬三百六十七人九月復破平之擒石和尚劉長子等六百餘人永等封爵陞賞有差成化三年五月命左都御史李秉提督軍務武靖伯趙輔佩靖虜將軍印克總兵官往遼東征建州女直凡五萬騎命朝鮮以萬騎佐之十月從撫順關出塞



抵其境破之左哨擒五十一人斬首二百四十五級  
俘男婦一百六人奪被虜男婦七百十七人獲牛馬  
器械無算右哨擒十五人斬首一百四十四級俘男  
婦二十九人奪被虜男婦一百九十五人獲牛馬器  
械無算尋縱兵深入先後復擒三十一人斬首二百  
五十九級俘男婦十六人奪被虜男婦二百五十三  
人獲馬牛器械亦稱是朝鮮奏賊酋李滿任等三百  
八十六級生擒二十三人獲牛馬羊二百餘詔班師  
輔進封侯秉等陞賞有差

三年命太監劉恒兵部尚書程信總兵官襄城伯李  
璡征四川都掌夷分六哨進兵四年二月克龍背豹  
尾等寨尋焚寨一千四百五十七處斬首三千一十  
七級生擒九百五十三人俘賊屬八百餘口馬牛羊  
豕三千鉦鼓鏢弩等軍器五千餘事瑾等加祿賞賚  
有差

成化四年七月命都察院右副都御史項忠總督軍  
務都督劉玉充總兵官太監劉祥監軍率京營延綏  
寧夏等騎兵萬三千討石城叛寇滿四等先是滿是  
等以虜裔散處固原邊地家富饒為叅將劉清指揮  
馮傑迫賄不能應清遣滿四姪指揮璘捕之四等遂



擁璫入石城以叛衆漸集五千餘人馮清攻之不利  
陝西鎮撫遣都指揮刑端申澄討之復大敗事聞詔  
會宣夏延綏兵討之陝宣兵先進戰復大敗賊附者  
益衆至是始遣忠等尋益邊兵合五萬人忠初至敗  
其衆斬首數百而伏羗伯毛銳中流矢死我師遂挫  
乃議築砦為長圍五年二月滿璫降四之腹心楊虎  
力亦降乃使虎力誘四出戰徼擒之又三日城潰斬  
首數千級擒千人以二百人獻俘餘悉斬之夷石城  
險其餘黨走慧筭山者至明年亦就擒忠等陞賞有  
差

成化六年命都察院右都御史項忠總督軍務督同  
湖廣總兵官右都督李震撫勦荆襄流民七年七月  
奏斬叛者千級俘其族屬老幼共二萬八千七百餘  
人諭遣復業者九十三萬八千餘人後疏又云一百  
五十餘萬人忠等陞賞有差

十五年命太監汪直監督軍務撫宣侯朱永佩征虜  
將軍印征遼東建州夷右副都御史陳鉞叅贊軍務  
仍勅朝鮮國王李娒夾攻十月永等奏破焚四百五  
十餘寨斬首六百九十五級俘四百八十六人以大  
捷聞明年娒遣使奏捷直加祿永進封公陞賞有差



十六年正月太監汪直監督軍務太子太保左都御史王越提督軍務保國公朱勇為平虜將軍率京兵萬人赴延綏征虜宣大寧夏固原甘肅諸鎮出精兵三萬應之三月王越奏與直襲賊於威寧海子生擒男婦百七十一斬首四百三十七獲旗纛十二馬一千八十五駝三十一牛一百七十六羊五千一百盛甲弓箭皮袄之類一萬有奇以大捷聞直等加祿越封伯餘陞賞有差

本年十二月太監汪直仍為監督威寧伯王越為提督太子太傅保國公朱永仍平虜將軍印為總兵官

往大同征虜十七年二月破賊於黑石崖生擒十人斬首一百十二級獲馬七百二十九疋器械六千二百餘件以大捷聞直越加祿永與世襲餘陞賞有差弘治十四年七月命南京戶部尚書王軾兼左都御史提督軍務帥湖廣雲南播州等處土兵三萬三千人討貴州賊米魯米魯者普安州土官隆暢出妾霑益州土官安民女也隆暢老以子禮代職米魯依禮居而與營長阿保通構禮與父暢隙暢逐保而燬其室保遂叛與禮借外兵焚暢別部廬舍殺其從人暢怒誅禮米魯遂與保發兵攻暢破百餘寨暢走之雲



南鎮巡使之講和魯陽聽命而誘暢毒之遂益熾分其兵為四寨保遂僭稱王總兵東寧伯焦俊巡撫都御史發兵萬餘討之保阿保及其子米魯亡走久之復熾官兵追捕之不利都指揮吳遠被執乃詔軾督太監楊友總兵官豐閏伯曹愷都御史鈇討之軾未至而太監友貪功率兵先入其地米魯以萬衆劫營遂虜友而殺右布政使閻鈺按察使劉福都指揮李宗武等凡五將貴州大震軾至具以聞詔大發兵合十萬人討之十五年七月分八道以進累戰破之獲米魯及賊黨福佑凡下寨千餘擒百九十人斬首四

千八百餘級俘男婦千餘賜勅獎諭班師餘陞賞有差

正德四年三月命太子少保刑部尚書左都御史洪鍾總制湖廣鄖陽及陝西河南四川等處軍務并總理武昌等府賑濟事宜以湖廣等處荒旱多盜故也六年命鍾督同都御史林俊等討四川大寇藍廷瑞廖麻子鄔本恕七年来順宣慰彭世麟誘獲廷瑞本恕加鍾太子太保俊右都御史餘陞賞有差未幾廖麻子等復熾八月召鍾還右都御史彭澤總制軍務右都督時源充總兵官代之八年四月擒廖麻子係



喻老人復叛九年二月就擒賊平澤等陞賞有差  
正德五年四月寧夏寘鐫反書聞詔御用監太監張  
永總督軍務涇陽伯神英佩平胡將軍印克惣兵官  
總制陝西三邊右都御史楊一清提督軍務統京營  
兵二萬及各路兵討之戶部右侍郎陳震暫代一清  
行事兼整理糧草本月遊擊將軍仇鉞襲執寘鐫五  
月詔班師鉞封伯餘陞賞有差

六年二月起復左都御史陳金總制江西浙江福建  
湖廣南直隸等處軍務鎮巡等官悉聽節制聽以便  
宜行事五月東鄉等處賊平破柵二百六十五俘七

百五十餘人斬首萬二千六百七十三級八月姚源  
賊平斬首五千餘級又破華林賊斬首二千餘金等  
陞賞有差八年以餘賊猶熾命右副都御史俞諫爲  
提督代金權任亦如之右都督劉暉充總兵官十一  
月大盜王重七等就擒金諫後先雖平賊有功而所  
縱狼兵殺掠人子女劫剽財物金時尤甚故人爲之  
謠曰王賊尚可官兵殺我

六年三月命太保惠安伯張備充總兵官右都御史  
馬中錫提督軍務統京營精騎二千及河南山東北  
直隸兵討流賊劉六劉七齊彥名等八月命兵部左



侍郎陸完爲提督統宣府延綏兵合討之其月以中  
錫偉無功下獄完專督師太子太傅伏羌伯毛銳爲  
總兵官太監谷大用監督陸闇監神鎗數戰有功賊  
衆楊虎趙鏐入河南者尤熾伏羌伯敗績七年二月  
命右副都御史彭澤提督軍務咸寧伯仇鉞爲總兵  
官陸闇爲監督率邊兵討之閏五月河南賊平劉七  
等入湖廣詔都御史澤伯鉞與完相去督軍撫鎮而  
下悉聽節制八月完平劉七等於狼山前後斬獲數  
萬人鉞進封侯大用闇皆封一兄伯爵完等陞賞有  
差

十年北虜犯宣大近邊詔御用監太監張永總督軍  
務太子太保都察院左都御史彭澤提督軍務御馬  
監太監張忠監督神鎗京營騎卒二萬合宣大遼  
薊兵禦之仍賜永金關防鋼劍得便宜行事賞賜兵  
銀數十萬計不遇虜而還

十一年土魯番陷哈密虜其王及金印仍犯甘涼等  
處詔太子太保都察院左都御史彭澤提督軍務總  
陝西三鎮兵討撫之以綵幣易印及王而還後以不  
得要領奪澤官

嘉靖三年大同兵叛殺都御史張文錦詔戶部侍郎



胡瓚都督魯綱督兵討之都督桂勇以計僂其叛者  
再亂再定瓚等無功而還十二年復叛殺總兵李瑾  
詔總制兵部左侍郎劉源清都督郤永督兩鎮兵討  
之遇虜救戰不利逮源清下獄以左侍郎張瓚代之  
即中詹淡等誘捕叛逆誅之瓚等賞賚有差

六年總督兩廣右都御史姚鎮總鎮太監潘潤總兵  
撫寧侯朱麒等討破田州府叛守岑猛僂之以捷聞  
鎮進太子少保左都御史潤等加祿賞賚有差田州  
土目盧蘇王受以七萬人挾猛子以叛討之不利事  
聞詔奪鎮等加職即家起南京兵部尚書新建伯王

守仁提督兩廣江西廣湖等處軍務督同姚鎮等合  
兵進討鎮尋放歸里守仁至軍招諭蘇受請降杖之  
百赦不誅并赦猛子改田州府為田寧府設流官統  
之事聞賜守仁白金五十兩綵幣四表裏遣行人獎  
諭

十六年禮兵二部會廷臣議安南偽酋莫登庸僭逆  
十大罪當討詔會推素有才望大臣以為總督等官  
起原任南京刑部右侍郎胡璉為戶部左侍郎右副  
都御史高公韶為右侍郎俱兼右僉都御史總督糧  
餉璉雲貴公韶兩廣都督僉事等官江桓克左副總



兵都指揮楊鼎田茂充左參將孫繼武充右參將樊  
泰蕭萬湯慶陳偉充遊擊將軍各領兵征討兵科給  
事中李鶴鳴御史傅鳳翔往兩廣刑科給事中馬汝  
彰御史胡時濟往雲貴各紀功起復右都御史毛伯  
溫至京將命之大帥已暫俱停止十七年命寧夏鎮  
守總兵官咸寧侯仇鸞還京挂征夷副將軍印充總  
兵官總督征南諸軍工部尚書毛伯溫為兵部尚書  
兼右都御史參贊軍事尋以兵部覆議用兵事宜不  
稱旨復暫停以恭上皇天上帝大號皇祖謚號陛下  
憂服滿禮部左侍郎黃綰為本部尚書兼翰林院學

士右春坊右諭德張治為翰林院學士齊詔及幣招  
諭安南仍令至承天行在面諭行事蓋欲寄以相機  
撫討也十八年登庸子方瀛遣使臣阮文泰等奉表  
款鎮南關請降復命禮兵二部會議尋以綰它奏忤  
旨罷之仍命侯鸞伯溫南征十九年鸞至廣東挾璽  
書責征蠻將軍安遠侯柳珣戎服行屬將禮珣不聽  
鸞遂劾珣珣上書自列詔勒鸞歸以珣代之本年伯  
溫等至廣西徵集兩廣福建湖廣狼土官軍十五萬  
并檄雲南守臣及諸司俱會議分正兵為三哨分奇  
兵為二哨烏雷山等處水兵為海哨及議雲南所集



漢土兵于蓮花灘為兩哨與黔國公沐朝輔安遠侯  
柳珣提督軍務侍郎蔡經巡撫都御史汪文盛等部  
署已定馳檄安南吏民諭以朝廷興滅繼絕義討罪  
止於莫登庸父子有能舉郡縣來降者即以郡縣優  
之擒登庸父子降者賞白金二萬兩官以顯秩其登  
庸父子果能束身歸順亦待以不死伯溫等駐師近  
邊登庸聞之惧遣使詣軍乞降詞頗卑切伯溫等承  
制許之會登庸子方瀛已死乃於十一月三日留其  
孫福海守國而自與從子文明大酋阮如桂等四十  
餘人入闕街組繫頸詣所設闕庭徒跣蒲伏驛上降

表復詣軍門再拜盡籍土地軍民職官悉聽處分欽  
州所奏被侵四峒境土願以內屬仍請奉正朔舊賜  
印章護守以候更定伯溫等乃諭之歸而上疏言狀  
下兵戶禮議上命降安南國為都統司以莫登庸為  
都統使秩從二品子孫世襲別給印信舊所僭擬制  
度削去改正海陽山等十三路各置宣撫司設宣撫  
同知副使僉事各一員更襲黜陟俱付登庸四峒侵  
地還屬欽州廣西布政司歲給大統曆俾奉正朔三  
歲一貢乃加伯溫太子太保蔡經右都御史珣太子  
太傅朝輔太子太保參政翁萬達等進一官輔臣夏



言翟鑾以決策公郭勛禮部嚴嵩以與議及仇鸞汪文盛兵部張瓚等賞賚有差

二十九年八月北虜俺荅阿不孩等犯塞入掠畿甸以咸寧侯仇鸞為平虜大將軍節制諸路主客兵馬文官三品以下武官總兵以下不用命者以軍法從事都御史楊守謙陞兵部左侍郎同提督內外諸軍討之尋以守謙不擊賊弃市大將軍鸞尾虜至白羊口迤東紅橋等處猝與虜遇潰走死傷千餘人詔賞鸞及諸將金幣各有差仍進鸞太保總督京營戎政三十年議開馬市俺荅尋執叛人蕭芹等以獻加仇

鸞兼太子太傅歲祿二百石蔭一子錦衣衛副千戶監馬市兵部侍郎史道轉尚書各賞金幣八月鸞帥京邊兵馬二萬七千分布白羊等口十一月總督都御史何棟等獲姦細哈丹兒陳通事告於廟社侯鸞加太傅兼太子太師歲祿一百石蔭一子錦衣衛指揮僉事何棟陞左侍郎廕一子錦衣衛千戶總副等官陞賞有差兵部尚書趙錦史道俱加太子少保各廕一子錦衣百戶侍郎聶豹陞俸有差輔臣嚴嵩子世蕃進工部右侍郎廕一子錦衣衛千戶李本陞禮部尚書直贊尚書徐階加少保孫承恩太子少保公



朱希忠兼太子太師都督陸炳太子太保餘賞賚有  
差三十一年正虜犯威遠城等處鳶自請行邊詔不  
許三月鳶始出師至大同上言出鎮川堡行二百餘  
里伏兵起溝下前軍陣亡者二十人傷者二百十三  
人失馬二百疋鹵賊首五級獲達馬三十疋詔賞鳶  
白金五十兩綵幣四表裏諸將戴綸等三十六人各  
白金十兩鳶尋還師八月虜聚大眾邊外謀犯喜峰  
口鳶當出師而病乃奪其大將制勅兩印章其夕  
病死數日通虜事發詔徕其屍分縣九邊妻子俱斬  
藉其家

三十三年五月以倭寇犯浙江南直隸等勢倡獫狁命  
叅贊機務南京兵部尚書張經不妨原務兼都察院  
右都御史揔督南直隸浙江山東兩廣福建等處軍  
務一應兵馬錢糧悉听便宜處分不用命者武官都  
指揮文臣五品以下許以軍法從事三十四年工部  
右侍郎趙文華條陳倭便宜首請遣大臣祭東海  
禮部覆上以問大學士嚴嵩右之遂命文華往祭告  
并督察軍機賊情文華至促瓦氏土兵出戰敗績尋  
以張經久無成績改都察院右都御史兼兵部右侍  
郎剋期平賊不許怠誤



弇山堂別集卷七十

吳郡王世貞元美著

謚法考序

余嘗有謚法通紀三十卷列其凡而序之所以標先  
王制謚之本旨與歷代沿革輕重之變畧備矣至  
明亦有紀而未甚詳於是徧考金匱國史之藏秘閣  
之籍參以家乘而後靡所不備凡有釋義者皆閣籍  
也每故事大臣卒禮部以謚請報俞矣則內閣以兩  
字者三請于

上而自擇之是以具釋義也洪武之尚爲吳也諸功



臣死事及有勞而夭者皆榮公侯之爵而傳之謚終  
高帝世文臣弗得也武臣即都督弗贈侯伯弗得也  
至建文而待制王禕得謚文節矣文臣之有謚自禕  
始也其謚小臣者亦自禕始永樂制嚴矣終  
太宗世文臣之得者僅姚恭靖廣孝胡文穆廣而恭  
靖之爵則公也文臣之有謚僅文穆一也洪熙初始  
大合故臣凡勞於  
國誼於青宮三品而上易名者十餘人而後文臣之  
謚廣然

宣英之代猶斤斤焉持其柄而弗輕予且夫魯王愛

子也秦王次嫡子也

高帝命之曰荒曰愍而登之冊曰不敢以子故而廢  
天下公其於宗室諸子王尚有評也文臣之有榮愿  
也則瑕弗掩也文榮之以爵也文愍之以事也庶幾  
寓貶矣嬖人之有謚也自

后妃而外則死節也公主之有謚也自

仁宗之悼愛女始也乳媪之有謚也自

宣宗始也乳媪之夫之有謚也亦自

宣宗始也方士之有謚也自

世宗始也謚而四字淫矣而使方士得之則益淫也



當

世宗之季吾又得二事焉夏文愍之持秉則同列皆中謚及身以罪死易世而後牽復所得者中下謚也繼而嚴氏之持秉則其子爲市馬非上所甚注懷者必賄而後得不賄不得也即得之不腆不上謚也及身以罪竄削弗謚也夫謚者人主之春秋也尊則稱天以命之不尊則與天下共隲之而柰何爲大臣脩怨賈利地也然則如之何其必畧採唐宋故事遇大臣以謚請有

俞旨則翰林之司篆者爲議而定二謚焉以授禮科

科詳之復議而上之閣臣復衷而取上裁凡文臣二品而上及勳親臣公必謚侯伯之蒞軍府加保傅必謚上善美惡二品以下自鄉佐以迨庶僚有德行政術亦有謚上則言官請之禮部裁之有美無惡可也自

國初以至

先臣勳臣若傅友德若徐輝祖之類文臣若章溢若唐鐸若胡儼若魏源之類武臣若劉玉馬永王効之類諫臣若楊瑄黃鞏王思楊爵之類儒林若吳與弼陳獻章胡居仁之類文苑若李夢陽何景明楊慎李



攀龍之類追之以謚可也勛臣若李善長馮勝若廖  
永忠耿秉文若丘福之類文臣若陳循若徐有貞之  
類追之以謚而不盡蔽瑕可也又若于謙者易之  
以上謚可也萬安劉吉汪鋐張瓚者易之以下謚可  
也凡此數者皆所謂與天下共隲之操法於賞罰之  
外而毋使人得而議其後者也

謚法紀一

一字謚

德 玄 懿 恒 熙 裕 仁 淳  
太 高 成 文 昭 宣 章 英 睿

景 憲 孝 敬 武 毅 獻 世 肅  
穆 莊

恭 定 瑞 靖 簡 惠 和 安 康  
順 僖 思 懷 愍 殤 悼 哀 隱  
戾 厲 荒 榮

謚法紀二

二字謚

文 正 文 貞 文 成 文 忠 文 端 文 定  
文 簡 文 懿 文 肅 文 毅 文 憲 文 莊  
文 裕 文 節 文 義 文 靖 文 穆 文 昭



文恪	文恭	文襄	文清	文脩	文康
文敏	文達	文通	文介	文安	文和
文僖	文榮	文愍	文思	文隱	
武寧	武毅	武敏	武惠	武襄	武順
武肅	武靖	武信	武義	武莊	武壯
武桓	武愍	武烈	武勇	武僖	
忠文	忠武	忠定	忠烈	忠簡	忠肅
忠毅	忠敬	忠憲	忠節	忠顯	忠靖
忠襄	忠敏	忠安	忠僖	忠穆	忠威
忠順	忠壯	忠宣	忠勇	忠愍	忠剛

忠愍

孝勇

謚法紀三

二字謚

懿文	懿莊	懿安	懿定	懿簡
昭靖	昭定	昭僖	昭安	昭簡
昭穆	昭和	昭毅	昭裕	昭順
昭獻	昭懿	昭靜		昭榮
宣武	宣靜	宣懿	宣和	宣穆
宣僖	宣思		宣惠	



憲穆 憲懷

純清 敬順

毅愍 毅敏 毅勇

敏肅 敏毅 敏靖

恭懿 恭簡 恭裕 恭襄 恭莊 恭和

恭穆 恭禧 恭肅 恭安 恭惠 恭獻

恭毅 恭端 恭懷 恭恪 恭敏 恭榮

恭康 恭慎 恭順 恭愍 恭介 恭憲

恭定 恭靖

壯武 壯勇 壯毅 壯敏 壯靖 壯愍

壯節 順簡 順靖 順僖

哀冲 哀簡

謚法紀四

二字謚

莊敬 莊獻 莊懿 莊簡 莊靖 莊定

莊憲 莊敏 莊毅 莊肅 莊穆 莊安

莊僖 莊裕 莊襄 莊康 莊和 莊惠

莊恪 莊靜 莊武 莊愍 莊順 莊隱

貞襄 貞肅 貞懿 貞靜 貞烈 貞節

貞惠 貞順



襄毅 襄簡 襄靖 襄敏 襄惠 襄烈  
襄武 襄恪 襄榮 襄愍 襄悼

勇襄

定襄 定恭 定肅

介肅 成穆

清簡 清惠 清愍

節愍 愍烈

康懿 康肅 康敬 康簡 康靖 康端

康定 康憲 康裕 康僖 康惠 康穆

康和 康恪 康順 康毅 康敏 康獻

康悼 康隱

謚法紀五

二字謚

溫懿 溫憲 溫肅 溫靖 溫定 溫簡

溫穆 溫僖 溫和 溫惠 溫靜 溫隱

僖靖 僖裕 僖安 僖康 僖敏 僖簡

僖武 僖穆 僖順 僖愍 僖恪

安懿 安簡 安憲 安肅 安靖 安和

安莊 安裕 安定 安恭 安僖 安穆

安惠 安恪 安順



惠懿 惠簡 惠恭 惠莊 惠靖 惠榮

惠安 惠襄 惠穆 惠和

景成 景惠

榮懿 榮昭 榮壯 榮隱 榮莊 榮靖

榮肅 榮毅 榮端 榮憲 榮簡 榮康

榮襄 榮恭 榮定 榮恪 榮惠 榮愍

榮安 榮和 榮穆 榮僖 榮懷 榮順

榮悼 榮繆 榮虛 榮戾 榮愿 榮思

榮淑 榮善

懷獻 懷懿 懷莊 懷康 懷靖 懷安

懷簡 懷僖 懷順 懷和 懷穆 懷悼

懷隱 懷榮

謚法紀六

二字謚

肅敏 肅安 肅愍 肅簡 肅僖 肅貞

簡肅 簡襄 簡懿 簡定 簡靖

靖懿 靖莊 靖恭 靖肅 靖簡 靖僖

靖惠 靖和 靖安 靖康 靖襄 靖順

靖節

和靖 和僖 和惠



崇武 崇善 崇敬

勤敬 恒襄 恒義

剛毅 剛勇

威武 威毅 威襄 威靖 威勇

思裕

端憲 端靖 端肅 端簡 端懿 端穆

端和 端毅 端定 端僖 端裕 端惠

端敏 端康 端恪 端莊 端襄 端勤

端順 端愍 端榮 端隱

悼恭 悼懿 悼莊 悼簡 悼定 悼靖

悼康 悼安 悼平 悼懷 悼惠 悼和

悼僖 悼昭 悼順 悼隱 悼戾

隱懷

四字謚

恭仁康定 恭和榮順 恭順榮穆

恭莊端惠 恭和安靖 恭恪莊僖

恭淑安僖 端靖恭惠 端靖安和

莊靖安榮 莊僖端肅 昭肅靖惠

昭惠恭懿 昭肅靖端 忠敬昭順

惠穆昭敬 康惠莊肅 康穆懿恭



貞順懿恭

靖莊安穆

安和榮靖

文康榮靖

榮康惠肅

六字謚

恭肅端順榮靖

端和恭順溫僖

榮安惠順端僖

謚例謚

親王謚例用一字郡王二字其文武大臣亦用二字與否取自上裁若官品未高而侍從有勞或以死勤事特恩賜謚者不拘常例洪武初議謚俱本部奉旨施行二十五年令本部行翰林院擬奏請旨弘治四年令今後有乞恩贈謚者本部斟酌可否務合公論不許一槩比例濫請十五年奏准凡親王薨逝行巡撫巡按等官覈勘郡王病故行本府親王及承奉長史等官覈勘善惡得實明白結報具奏定謚



又奏准文武大臣有請謚者本部照例上請得 旨  
行吏兵二部備查實蹟本部定為上中下三等以行  
業俱優者為上行實頗可者為中行實無取者為下  
開送翰林院擬謚請 旨  
一字謚

德

德祖

右

廟號

高皇帝四世祖

唐有德宗謚法執義揚善曰

德

玄

玄皇帝

右即

德祖帝號

唐有玄宗謚法有其文而無其義

懿

懿祖

右

廟號

高皇帝三世祖王謚法溫柔賢善曰懿



親周王子防申王祐皆鄭王祐畢代王俊棣  
德王祐密俱嘉木靖

右俱柔克有光

恒 恒皇帝

右即

懿祖帝號 謚法有其文而無其義

熙祖 熙

右

廟號

高皇帝祖 謚法有其文而無其義

裕 裕皇帝

右即

熙祖帝號 謚法強學好問曰裕

仁 仁祖

右

廟號



高皇帝父 謚法有其文而無其義

仁宗

廟號也

文皇帝子 謚法同上

淳

淳皇帝

即

仁宗帝號 謚法有其文而無其義

太

太祖

廟號也 周公謚法不載後有之有其文而無

其義

太宗

廟號也

太祖子 謚法同上

高

高皇帝

即

太祖帝號也 謚法有其文而無其義

成



即

文皇帝再定

廟號也 謚法安民立政又禮樂明具曰成

親唐王彌帝金蜀王讓羽俱嘉

右安民立政

文

文皇帝

即

成祖帝號 謚法經天緯地曰文

昭

昭皇帝

即

仁宗帝號 謚法昭德有勞曰昭

親楚王貞秦王秉蜀王賓齊正韓王旭遷

代王充耀俱嘉追封肅世子縉焯為肅王嘉追封

益世子載曾為益王厲

右俱容儀恭美

宣

宣宗

廟號也



仁宗子 謚法聖善周文曰宣

親王 秦王懷卷隆慶

誠意外見

章

章皇帝

即

宣宗帝號 用增定謚法法度大明又敬慎高

明曰章

英

英宗

廟號也

宣宗子 謚法有其文而無其義

睿

睿皇帝

即

英宗帝號 謚法有其文而無其義

睿宗

廟號也

憲宗子 嘉靖中追上

景



景皇帝

帝謚也

宣宗次子 謚法者意大圖布義行剛曰景

憲

憲宗

廟號也

英宗子 謚法博聞多能又賞善罰惡曰憲

親主韓王公求晉王美士楚王季兒荆王瞻岡

景泰唐王瓊巨襄王瞻善潘王胤多淮王厚壽

俱嘉靖

右俱行善可紀

周王有敦正

博聞多能

純

純皇帝 謚法有其文而無其義

孝

孝宗

廟號也

憲宗子 謚法五宗安之曰孝

敬



敬皇帝

即

孝宗帝號 謚法合善典法曰敬

親王伊王許淳唐王温于俱嘉靖

夙興恭事

武

武宗

廟號也

孝宗子 謚法克定禍亂又威強敵德又保大

定功曰武

毅

毅皇帝

即

武宗帝號 謚法致果殺敵又強而能斷曰毅

獻

獻皇帝

睿宗帝號 謚法智質有聖又聰明睿智曰獻

親王湘王百洪武未年蜀王春永追封王瞻良永

末仁寧王權正興王即正德睿宗

右俱聰明睿智



世

世宗

廟號也

睿宗子 古有世廟漢取以次太與高周公謚法不載後有之

肅

肅皇帝

即

世宗帝號 謚法剛德克就執心決斷又正已攝下曰肅

穆

穆宗

廟號也

世宗子 謚法布德執義曰穆

親王忻王見治成

中情見貌

莊

莊皇帝



即

穆宗帝號 謚法履正志和曰莊

親王英肅王英楚王完孟梁王瞻自統正岷王景棟

唐王芝上成肅王遂屏晉王鍾玄俱弘徽王

見市武治肅王初潘王幼學德王見泚趙王祐采益王

厚萃俱正魯王陽壽進封秦和僖王誠繁為秦王

遼王致格榮王祐樞周王朝岡追封荆王載盛崇

王載境淮王祐伊王訐淵俱嘉襄王厚頌吉王

翊真俱隆衡王厚喬萬曆

右俱履正志和

恭

親晉王岡洪衛王瞻延韓王冲煖俱正岷王徽柔

順慶王寅叔弘遼王寵受追封恭靖唐王彌甘為

唐王潘王詮正肅王貢宗周王睦審衡王祐暉追

封襄王見芳徽王厚爵崇王厚耀追封秦王誠潤

景王載川追封趙王載培嘉荆王翊巨楚王英

僉俱隆代王廷琦萬曆

右俱敬順事上

定

親唐王丕末周王肅洪黜蜀王友亥順襄王祁庸泓



伊王諱金德淮王祐放追封鄭王見湏吉王厚焜  
秦王惟卓肅王弼光韓王融遂壽王祐耆俱嘉

右俱純行不爽

晉王濟熹德慶王台宏嘉

右俱追補前過

端

親追封淮王見殿晉王知洋楚王榮滅益王祐賓  
魯王觀定荆王厚焜追封秦王惟熹吉王載均俱嘉

右俱守禮執義

靖

親唐王瓊亞蜀王友貞正宣越王瞻墉淮王瞻奧

俱正韓王範邛周王子后俱景荆王初高順鄭王

瞻參魯王肇軍俱成趙王見爵泓雍王祐雲崇王

祐密德正追封肅安和世子真於為肅王嘉

右俱恭已鮮言

郢王東慶王旃正遼王豪成寧王奠培追封

晉王奇源俱弘楚王均化正追封恭和王勛洪為

潘王岷王彥太俱嘉追封榮康王祐曷為襄王嘉

右俱寬樂令終



簡

親遼王直未樂代王圭正伊王颯火肅王祿卑

成鄭王祁英秦王誠未岷王庸不俱弘

俱平易不訾

趙王高遠周王有爵襄王見叔崇王見畢

武弘治初未徽王祐臺吉王見凌涇王祐舜俱嘉

右俱一德不懈

潘王莫宣

正直無邪

惠

卷二

三

親安王楹永追封寧王磐武趙王瞻塢俱景韓王

徽卜曾王泰堪秦王公易俱成代王成東蜀王申

鑿遼王恩晉同公同龐岐王祐倫俱弘追封潘恭

裕王勛智為潘王追封襄王祐楊俱嘉慶王肅方

萬曆

右俱柔質慈民

和

親蜀王悅邵天荆王祐間泓

右俱不剛不柔

安



王親追封伊王勉景成追封淮王見廉德正追封潘府

榮懿王詮金為潘王追封晉恭裕王為晉王袁謙

追封秦臨潼惠簡王公名金為秦王趙世孫翊鎰追

封趙王汝王祐亭木靖嘉追封韓悼恭世子謨典為

韓王慶隆

右俱和好不爭

### 康

王親王秦王志切景泰潘王佶享楚王季叔肅王瞻焯俱

順慶王秩奎化成寧王觀勻金韓王偕藩淮王祁金弘

治鄭王祐林德正追封晉端和王知焯為晉王追封

周悼康世子勤熿為周王襄王祐櫛岷王舉榮趙

王厚焯追封周世子勤焯為周王蜀王承鑰金靖嘉

右俱溫柔好樂

### 順

王親岷王音沂化成唐王宙求木追封秦王秉杼木俱嘉

右俱和比於理

### 僖

王親秦王志恒求樂蜀王友熏德追封鄭王見滋弘

右俱小心畏忌

### 思



親王追封代王聰永泓追封均王載夙嘉靖

右俱追悔前過

懷

親王追封虞王雄洪武王瞻洪武秦王志均宣統韓

王範正統蜀王申金秀王見洪武慶王邃化追

封晉王袁洪武襄王祐洪武追封潘王胤宣統追封

懷簡世子為魯王當從戚王載宣統追封榮懷穆世

子厚勳為榮王追封德府懷順世子厚敦為德王

追封肅王紳著追封岳王厚嘉靖

右俱慈仁短折

愍

親王秦王洪武

使民悲傷

楚王顯嘉靖

在國逢難

傷

親王賴王載嘉靖 謚法有其文而無其義

悼

親王許王見景泰趙王祁金韓王偕流伊王諤凡

俱成追封蔚王厚煒追封吉王祐嘉靖



追封周王安橫治弘追封魯王健弋靖王翊俱嘉  
右俱中年早夭

哀

親王薊王載置嘉  
土靖

蚤孤短折

隱

親王秦王尚丙代王仕塵天  
火樂  
土順

右俱遠拂不成

戾

親王湘王百建文初謚成王後改謚追封代王遜  
木永樂改獻景皇帝火  
正統右俱知過不改

厲

親王伊王彝  
木樂

殺戮不辜

荒

親王魯王亶  
木武洪

好樂怠政

榮



皇世廟貞妃馬氏嘉靖

寵祿光大

五王

肅王

百

表

文

王

嘉靖

王

嘉靖

王

嘉靖

王

嘉靖

王

嘉靖

王

嘉靖

王





